

四庫全書

經部

欽定四庫全書

左傳杜林合注卷十一 明 王道焜

趙如源 同編

僖公三

經丁丑十有六年春王正月戊申朔隕石于宋五

杜隕落也間其

隕視之石數之五各隨其間見先後而記之莊七年星隕如雨見星之隕而墜於四遠若山若水不見在地之驗此則見在地之驗而不見始隕之星史各據事而書。隕十敏反是月六鷁退飛過宋

都杜是月隕石之月重言是月嫌同日鷁水鳥高飛遇者風而退宋人以為災告於諸侯故書林言是月與隕

石同月而不同日也望之六見之鷓察之退飛此亦隨聞見先後而記之與上同。是月本或作是日鷓五歷反本或作鷓音同六

○三月壬申公子季友卒

杜無傳稱字者

其數也過古禾反

○夏四月丙申鄆季姬卒

無傳

似陵反

○秋七月甲子公孫茲卒

無傳

○冬十有二月公會

齊侯宋公陳侯衛侯鄭伯許男邢侯曹伯于淮

杜臨淮郡左右

林兵車之會四邢音刑淮音懷

傳十六年春隕石于宋五隕星也

杜但言星則嫌星使石隕故重言隕星林

星陽物隕至地則化為石

六鷓退飛過宋都風也

六鷓過迅風而退飛風高不為物害

故不記
風之異

周内史叔興聘于宋宋襄公聞焉曰是何祥也

吉凶焉在

杜祥吉凶之先見者襄公以為石隕鷄退能為禍福之始故問其所在。馬於度反對

曰今茲魯多大喪

杜今茲此歲林魯季友公孫茲卒

明年齊有亂君將

得諸侯而不終

杜魯喪齊亂宋襄公不終別以政刑吉凶他占知之

退而告人曰

君失問是陰陽之事非吉凶所生也

杜吉石隕鷄退陰陽錯逆所為非人

所生襄公不知陰陽而問人事故曰君失問叔興自以對非其實恐為有識所譏故退而告人

吉凶由

人吾不敢逆君故也

杜積善餘慶積惡餘殃故曰吉凶由人君問吉凶不敢逆之故假他

占以

○夏齊伐厲不克救徐而還

杜十五年齊伐厲以救徐

○秋狄侵

晉取狐廚受鐸涉汾及昆都因晉敗也

杜狐廚受鐸昆都晉三邑平陽

臨汾縣西北有狐谷亭汾水出太原南入河

○王以戎

難告于齊齊徵諸侯而戍周

杜十一年戎伐京師以來逆為王室難。難乃旦反

○冬十一月乙卯鄭殺子華

終管仲之言事在十年

○十二月會

于淮謀鄆且東略也

杜鄆為淮夷所病故林畧

城鄆役

人病有夜登丘而呼曰齊有亂不果城而還

杜役人遇厲氣不堪

久駐故作妖言。呼火故反還音旋

經 戊寅 十有七年春齊人徐人伐英氏

英於京反

○夏滅項

杜頃國今汝陰頃縣公在會別遣師滅頃不吉師諱之
林公猶在會而師滅頃非公命也此失兵權之漸。頃

胡講反魯滅之也
二傳以為齊滅

○秋夫人姜氏會齊侯于卞

杜卞今魯國下

縣。卞皮彥反

○九月公至自會

公既見執於齊猶以會致者諱之

○冬十有二月乙亥齊侯小白卒

杜與僖公八同盟赴以名林桓公卒齊亂

明年孝公立

傳十七年春齊人為徐伐英氏以報婁林之役也

英氏楚與

國婁林役在十五年。為于偽反

○夏晉大子圉為質于秦秦歸河東

而妻之

杜秦征河東置官司在十五年。國魚呂反質音致下同妻七計反下同

惠公之在

梁也

林惠公以六年奔梁

梁伯妻之梁嬴孕過期

杜過十月不產懷子曰孕。嬴

音盈下同孕以證反過古禾反

卜招父與其子卜之

卜招父梁大小招上遙反

其

子曰將生一男一女招曰然男為人臣女為人妾故名

男曰圍女曰妾

杜圍養馬者不聘曰妾

及子圍西質妾為宦女焉

林秦居西方故曰西質妾亦同時官事秦為妾志招父之言駭。宦音惠

○師滅項

杜師魯師淮

之會公有諸侯之事未歸而取項

杜淮會在前年冬諸侯之事會同講禮之

事齊人以為討而止公

杜內諱執皆言止

○秋聲姜以公故會

齊侯于下

聲姜僖公夫人齊女林為僖公被執之故會齊以請僖公

九月公至書曰

至自會猶有諸侯之事焉

林猶若有諸侯會同之事焉

且諱之也

恥見

執故託會以告廟

○齊侯之夫人三王姬徐嬴蔡姬皆無子齊

侯好內

林好女色也好呼報反

多內寵內嬖如夫人者六人

林妾媵之

得嬖寵如夫人禮秩者六人。嬖必計反

長衛姬生武孟

杜武孟公子無虧林有衛二姬故以

長少別之。長丁丈反

少衛姬生惠公

杜公子元。少詩照反

鄭姬生孝公

杜公子昭

葛嬴生昭公

杜公子潘

密姬生懿公

杜公子商人

宋華子生

公子雍

杜華氏之女子姓。華戶化反

公與管仲屬孝公於宋襄公以

為大子雍巫有寵於衛共姬因寺人貂以薦羞於公雍

巫雍人名巫即易牙林共姬長衛姬寺人閻宦名貂者有寵於桓公故易牙因之而薦食味於公羞食味也易

牙善烹羞故以滋味進。屬音燭共音恭本亦作恭貂音彫

亦有寵公許之立武孟

杜易牙既有寵於公為長衛姬請立武孟

管仲卒五公子皆求立冬十月乙

亥齊桓公卒

杜乙亥月八日林此言齊桓公不能修身齊家以至身死國亂為天下笑

易牙

入與寺人貂因內寵以殺羣吏

杜內寵內官之有權寵者

而立公子

無虧孝公奔宋十二月乙亥赴辛巳夜殯

杜六十七日乃殯。殯必

反刃

經巳十有八年春王正月宋公曹伯衛人邾人伐齊

納孝

公 ○夏師救齊無傳 ○五月戊寅宋師及齊師戰于甌齊

師敗績

無虧既死曹衛邾先去魯亦罷歸故宋師獨與齊戰不稱宋公不親戰也大崩曰敗績甌齊地

○甌魚免反又魚偃反又音言一音彦

○狄救齊

無傳救四公子之徒

○秋八月丁

亥葬齊桓公

杜十一月而葬亂故八月無丁亥日誤

○冬邢人狄人伐衛

杜狄稱人者史異辭傳無義例林狄稱人之始

傳十八年春宋襄公以諸侯伐齊

林宋襄公受齊侯管仲立孝公之託孝公

又奔在宋故宋以諸侯伐齊納之

三月齊人殺無虧

杜說宋

○鄭伯始朝

于楚

中國無霸故

楚子賜之金

林金銅鐵之屬

既而悔之與之盟曰

無以鑄兵

杜楚金利故。鑄之樹反。

故以鑄三鐘

杜古者以銅為兵。傳言楚無霸者遠。

暑○齊人將立孝公不勝四公子之徒遂與宋人戰

杜無

虧已死故曰四公子。勝音升又升證反。

夏五月宋敗齊師于觀立孝公而

還○秋八月葬齊桓公

孝公立而後得葬

○冬邢人狄人伐衛

圍菟圃衛侯以國讓父兄弟及朝衆曰苟能治之燬

請從焉

杜燬衛文公名林衛丈公遭狄之禍乃以衛國遜讓其諸伯父叔父兄弟及在朝之臣言衛國

患害苟父兄諸臣能治衛國之事請從其後也。菟音徒圃布古反又音布燬吁委反。

衆不可

聽衛侯謀而後師于訾婁

杜訾婁衛邑林蓋衛文公以讓國激怒國人而後陳師禦狄于訾婁

之邑。管子斯反婁
即句反又即鈞反
狄師還
杜獨言狄還則邢留距衛
言邢所以終為衛所滅

○梁伯益其國而不能實也
杜多築城邑而無民以實之
命曰新里

秦取之
林秦乘其虛而取其地

經庚辰十有九年春王三月宋人執滕子嬰齊
杜稱人以罪

及民告例在咸十五年傳例不以民為義書名
及不書名皆從起見宋襄公圖霸。嬰于盈反
○夏六

月宋公曹人邾人盟于曹南
無傳曹雖與盟而猶不服不肯致餼無地主之禮故

不以國地而曰曹南
所以及秋而見國
鄆子會盟于邾
侯既罷鄆乃會之

於邾故不言如會
已酉邾人執鄆子用之
杜稱人以執宋以罪及民告也鄆雖失大

國會盟之信然宋用之為罰已虐故直書用之言若用
 畜產也不書社起不及也不書宋使弼而以弼自用為
 文南面之君善惡自
 專不得託之於他命
 ○秋宋人圍曹林諸夏國始此
 ○衛人

伐邢

伐邢在圍曹前經書在後從起

○冬會陳人蔡人楚人鄭人盟于

齊

杜地於齊齊亦與盟林楚始與夏盟書法如盟幽翟泉謹始也

○梁亡

杜以自亡為文非取者之

罪所以惡梁

傳十九年春遂城而居之

承上年傳取新里故不復言秦也為此冬梁亡傳

○

宋人執滕宣公

林即經書嬰齊

○夏宋公使邾文公用鄫子于

次睢之社欲以屬東夷

杜睢水受汴東經陳留梁燕沛彭城縣入泗此水次有妖神東

夷皆社祠之蓋殺人而用祭林宋襄公圖霸故使邾殺
節子為犧牲以祭之欲徵福于神以屬東夷之衆。雖

音雖屬

邾欲反司馬子魚曰古者六畜不相為用

杜司馬子魚

六畜不相為用謂若祭馬先不用馬林六畜牛馬羊
犬豕雞也。畜許又反為于偽反下為人同又如字小

事不用大牲

林謂若蒙廟用羊豢門及夾室用雞之類

而况敢用人乎祭祀

以為人也民神之主也用人其誰享之齊桓公存三亡

國以屬諸侯

杜三亡國魯衛邢林閔二年立傷城魯傷元年城邢夷儀二年城衛楚丘或曰城邢

城衛城緣陵也以存亡總純之義聯屬中國之諸侯

義士猶曰薄德

杜謂欬因亂取魯緩救邢

衛

今一會而虐二國之君

杜宋公三月以會名諸侯執滕子六月而會盟其月

二十三日執節子故云
一會而虐二國之君

又用諸淫昏之鬼

社非周社故

將以

求霸不亦難乎得死為幸

社恐其亡國

○秋衛人伐邢以報

菟圃之役

社邢不速退所以獨見伐

於是衛大旱卜有事于山川不

吉

林有事祭也卜祭山川以祈雨

甯莊子曰昔周飢克殷而年豐今邢

方無道諸侯無伯

伯長也林諸侯無伯長以任征討

天其或者欲使衛

討邢乎從之師興而雨

林釋言伐邢合天意

○宋人圍曹討不服

也

曹南盟不修地主之禮故

子魚言於宋公曰文王聞崇德亂而伐

之軍三旬而不降

社崇崇侯虎降戶江反下同

退修教而復伐之因

壘而降

林壘軍壘也言不增兵但因舊壘而崇自服。復扶又反一本作而復之伐衍字壘力執反

詩曰刑于寡妻至于兄弟以御于家邦

杜詩大雅言文王之教自近及

遠寡妻嫡妻謂大似也刑法也。御如字治也詩音五嫁反迎也

今君德無乃猶有所

闕而以伐人若之何

林此言不正已而正人如之何可以服人

盍姑內省德

乎無闕而後動

盍胡臘反

○陳穆公請修好於諸侯以無

忘齊桓之德冬盟于齊修桓公之好也

杜宋襄暴虐故思齊桓。好呼

報反下同

○梁亡不書其主自取之也

不書取梁者主名

初梁伯好

土功亟城而弗處民罷而弗堪則曰某寇將至乃溝公

宮

林孟城其邑而無民以居處其地民人罷勞而弗堪其工役則誑其民曰某處之寇盜將至乃塹公宮蓋

塹池環城公宮杜溝塹

。孟敗冀反罷音皮

曰秦將襲我民懼而潰秦遂取

梁

林無故而塹其宮懼民不從役乃誑之以秦將掩我之不備民懼秦寇遂恐懼而逃散。潰戶外反

經已二十年春新作南門

杜魯城南門也本名稷門傷公更高大之今猶不與諸門

同改名高門也言新以易舊言作以興事皆更造之文也

○夏郟子來朝

無傳郟姬姓國。郟

古報反字林工竺反

○五月乙巳西宮災

杜無傳西宮公別宮也天火曰災例在宣十六

年○鄭人入滑

杜入例在襄十三年林滑姬姓國。滑于八反

○秋齊人狄人

盟于邢○冬楚人伐隨

傳二十年春新作南門書不時也

失土功之時也

凡啟塞從時

門戶道橋謂之啟城郭牆壘謂之塞皆官民之閒閒不可一日而闕故特隨壞時而治之今僖公修飾城門非開閉之急故以土功之制譏之傳嫌啟閉皆從土功之時故別起從時之例。塞素則反。

○滑人叛

鄭而服於衛夏鄭公子士洩堵寇帥師入滑

杜公子士鄭文公子

洩堵寇鄭大夫。洩息列反堵丁呂反又音者。

○秋齊狄盟于邢為邢謀衛難

也。林二國為盟衛伐邢故為于偽反難乃旦反。

於是衛方病邢

林衛自前年伐邢至今常

為邢病

○隨以漢東諸侯叛楚

林隨居漢水之東故以漢東諸侯叛背楚國

冬

楚鬪穀於菟帥師伐隨取成而還

林取平於隨而還師穀奴口反於音烏

菟音徒

君子曰隨之見伐不量力也量力而動其過鮮矣

善敗由已而由人乎哉

林善成也成敗無不由已求之也。鮮息淺反下同

詩曰

豈不夙夜謂行多露

杜詩各南言豈不欲早暮而行懼多露之濡已以喻違禮而行必有

污辱是亦量宜相時而動之義

○宋襄公欲合諸侯

林宋襄公圖霸故欲合諸侯

臧

文仲聞之曰以欲從人則可

杜屈已之欲從衆之善

以人從欲鮮

濟

林屈人之情從已之欲少有能濟者杜為明年鹿上盟傳

經二十有一年春狄侵衛

無傳為邢故

○宋人齊人楚人

盟于鹿上

杜鹿上宋地汝陰有原鹿縣宋為盟主故在齊人上

○夏大旱

雩不獲雨故書

旱自夏及秋
五稼皆不收

○秋宋公楚子陳侯蔡侯鄭伯許男曹伯

會于孟

杜孟來地楚始與中國行會禮故稱爵林楚始書子宋楚初爭長也。孟音于

執宋公

以伐宋

杜不言楚執宋公者宋無德而爭盟為諸侯所疾故總見衆國共執之文林不言楚執宋公不

以夷狄執中國之辭也

○冬公伐邾

無傳為邾滅須句故

○楚人使宜申來

獻捷

杜無傳獻宋捷也不言宋者秋伐宋冬來獻捷事不異年從可知不稱楚子使來不稱君命行禮林

楚大夫始見經。軒建反捷在接反。

○十有二月癸丑公會諸侯盟于

薄釋宋公

杜諸侯既與楚兵伐宋宋服故為薄盟以釋之公本無會期間盟而往故書公會諸侯林

書諸侯不予楚之專執專釋也。薄如字

傳二十一年春宋人為鹿上之盟以求諸侯於楚

林乞靈於

楚以求諸侯為霸

楚人許之公子目夷曰小國爭盟禍也宋其

亡乎幸而後敗

林宋小於楚而爭為盟主禍難之階宋其將有滅亡之憂以敗軍為天幸 ○

夏大旱公欲焚巫尪

杜巫尪女巫也主祈禱請雨者或以為尪非巫也瘠病之人其面上

向俗謂天哀其病恐雨入其鼻故為之旱林公以巫舞雩不雨尪上向致旱欲焚之。尪烏黃反

臧文

仲曰非旱備也修城郭貶食省用務穡勸分此其務也

林修築城郭則飢民得就食君去盛饌減者用以稼穡為先務如今貨種備牛之類勸富民分財粟以賑貧民此五者備旱之先務杜穡檢也。貶彼檢反省所景反

巫尪何為天欲殺之

林殺之可

以弭旱是
天欲殺之

則如勿生若能為旱焚之滋甚

林焚之則逆
天意將愈甚

其公從之是歲也饑而不害

林以饑民得食賑恤有方故
雖饑而不為害杜不傷害民

○秋諸侯會宋公于孟子魚曰禍其在此乎君欲已甚

其何以堪之

林宋君之貪欲已甚其何以堪
威霸之事言必不堪得諸侯也

於是楚執

宋公以伐宋冬會于薄以釋之子魚曰禍猶未也未足

以懲君

林子魚見宋公得釋殊無戒懼之心知襄公猶
貪諸侯禍尚未已杜為二十二年戰泓傳。懲

直升 ○任宿須句顓臾風姓也實司大皞與有濟之祀

杜司主也大皞伏羲四國伏羲之後故主其祀任今任
城縣也顓臾在泰山南武陽縣東北須句在東平須昌

縣西北四國封近於濟故世祀之。任音壬顯音專與羊朱反風姓也本或作皆風姓太音泰皞胡老反濟子

禮以服事諸夏與諸夏同服王事邾人滅須句須句子

來奔因成風也

林成風僖公之母須句之女故須句子因之

成風為之言於

公曰崇明祀保小寡周禮也

杜明祀太皞有濟之祀保安也林尊崇神明之祭祀

保安小國之寡弱周室之典禮也。為于偽反

蠻夷猾夏周禍也

杜此邾滅須句而曰蠻夷

昭二十三年叔孫豹曰邾又夷也然則邾雖曹姓之國迫近諸戎雜用夷禮故極言之猾夏亂諸夏林諸侯皆

周之臣子故言周室之禍。猶于八反

若封須句

林須句已為邾所滅故勸公封之

是崇

皞濟而修祀紓禍也

林是尊崇太皞有濟而修周室祭祀之禮警蠻夷而紓周室猾夏之

禍杜紆辭也為明年
伐邾傳。紆音舒

經未癸二十有二年春公伐邾取須句

杜須句雖別國而
削弱不能自通為

魯私屬若顛史之比魯謂之社稷之臣故滅奔及反其
君皆略不備書唯書伐邾取須句林春秋嚴義利之辨
苟以為利一以取書之是故雖邾滅須句須句子來奔
伐邾取須句反其君馬書取須句鉏莒著丘公立而不
撫鄆鄆叛而
來書取鄆 ○夏宋公衛侯許男滕子伐鄭 ○秋八月

丁未及邾人戰于升陘

杜升陘魯地邾人縣公胄于魚
門故深恥之不言公又不言師

敗績。陘音刑。 ○冬十有一月己巳朔宋公及楚人戰于泓宋

師敗績

杜泓水名宋伐鄭楚救之故戰也
楚告命不以主帥人數故畧稱人

傳二十二年春伐邾取須句及其君焉禮也

得恤寡小之禮

○

三月鄭伯如楚○夏宋公伐鄭子魚曰所謂禍在此矣

杜怒鄭至楚故伐之為下泓戰起林前年所謂爭盟之禍在此役矣蓋知楚必救鄭也

○初平王

之東遷也

杜周幽王為犬戎所滅平王嗣立故東遷洛邑

辛有適伊川見被髮

而祭於野者

辛有周大夫伊川周地伊水也。被皮寄反

曰不及百年此其

戎乎其禮先亡矣

杜被髮而祭有象夷狄中國衣冠之禮先亡知其必為夷狄也

秋

秦晉遷陸渾之戎于伊川

杜允姓之戎居陸渾在秦晉西北二國誘而徙之伊川遂

徙戎號至今為陸渾縣也計此去辛有過百年而云不及百年傳舉其事驗不必其年信。渾戶門反一音胡

因反 ○晉大子圉為質於秦將逃歸謂嬴氏曰與子歸乎

杜嬴氏秦所妻子圉懷嬴也。質音致。

對曰子晉大子而辱於秦子之欲

歸不亦宜乎寡君之使婢子侍執巾櫛

杜婢子婦人之卑稱也林懷嬴

謙言秦君使我陪侍執巾櫛之賤役巾以悅手櫛以理髮昏賤役。櫛側已反。

以固子也林蓋

安固子之心也

從子而歸棄君命也不敢從亦不敢言遂逃歸

林不敢從汝而歸恐失君臣之義不敢漏泄此言恐傷夫婦之恩傳終文蘇之占

○富辰言於

王曰請召大叔

杜富辰周大夫大叔王子帶十二年奔齊。大音泰。

詩曰協比其

鄰昏姻孔云

杜詩小雅言王者為政先和協近親則昏姻甚相歸附也鄰猶近也孔甚也云旋也

○比此
志反

吾兄弟之不協馬能怨諸侯之不睦

林子帶為襄王之貴

介弟尚出奔在外而不能和協又安能怨四

王說王子

帶自齊復歸于京師王召之也

傳終仲孫湫之言也為二十四年天王出居于

鄭起。說音悅。

○邾人以須句故出師

林邾以取須句之役怨魯故出師伐魯

公

邾邾不設備而禦之

杜邾小也。御本亦作御音魚呂反

臧文仲曰國無

小不可易也

林既謂之國無有弱小言不可輕易。易以歧反下同

無備雖衆不

可恃也

林無戰守之備則我師雖衆多不可恃以必勝

詩云戰戰兢兢如臨深

淵如履薄冰

杜詩小雅言常戒懼就居陵反本或作矜

○又曰敬之敬之天

惟顯思

顯明也思猶辭也

命不易哉

杜周頌言有國宜敬戒天明臨下奉承其命甚難

先王之明德猶無不難也無不懼也况我小國乎君其

無謂邾小蠶蠹有毒而况國乎

林我周先王之有明德奉若天道猶以天命不

易為難保猶以戰兢臨深履薄為懼况魯之小國未有先王之明德其可易而忽之乎蜂蠶至微之物螫人尚有毒何況鄰國甲兵之力比之蠶蠹不亦多乎。蠶芳容反本又作蠶俗作蜂皆同蠶勅邁反一音勅戒反字林作蠶丑介反又他割反

弗聽八月丁未公及邾師戰于升陘我師

敗績邾人獲公胄縣諸魚門

杜胄堯蓋魚門邾城門。升陘本亦作登陘縣音宜

○楚人伐宋以救鄭宋公將戰大司馬固諫曰天之棄

商又矣君將興之弗可赦也已

杜大司馬固莊公之孫公孫固也言君興天所

棄必不可不
如赦楚勿與戰

弗聽冬十一月己巳朔宋公及楚人戰

于泓宋人既成列楚人未既濟

杜未盡
渡泓水

司馬曰

杜子
魚也

彼

衆我寡及其未既濟也請擊之公曰不可既濟而未成

列又以告公曰未可

林請乘其半濟而擊之襄公曰不可迫人於險請乘其陣亂而擊之

襄公曰未可
乘人之亂

既陳而後擊之宋師敗績公傷股門官殲

門官守門者師行則在君左右
殲盡也。陳直觀反殲將康反

國人皆咎公公曰君

子不重傷不禽二毛

林言君子之用兵敵人被傷者不忍重傷之杜二毛頭白有二色。

啓其久反重
直用反下同

古之為軍也不以阻隘也

不因阻隘以求
勝。隘於賣反

寡人雖亡國之餘

宋商紂
之後

不鼓不成列

林鼓以進兵故
不鼓以擊不成

列之人恥
以詐勝

子魚曰君未知戰

林言襄公未
知戰鬪之道

勅敵之人隘

而不列天贊我也

杜勅強也言楚在險隘不得陳
列天所以佐宋。勅其京反

阻而

鼓之不亦可乎猶有懼焉

杜雖因阻擊
之猶恐不勝

且今之勅者皆

吾敵也雖及胡考獲則取之何有於二毛

林且今之與
吾競強者皆

我之仇敵也雖及元老之尊為三軍獲則取之以騷
向愛於班白二毛之人杜胡考元老之稱。考音苟明

恥教戰求殺敵也

杜明設刑戮
以恥不累

傷未及死如何勿重

杜言

尚能若愛重傷則如勿傷愛其二毛則如服焉杜言苟不欲傷

殺敵人則本三軍以利用也林以利用軍國之用金鼓以聲氣也

杜鼓以佐士象之聲氣林金鈺也鼓以進兵鈺以收兵利而用之阻隘可也聲盛致

志鼓儻可也林既以利而興軍國之用迫敵人之隘以

志乘敵人之儻廉未陳阻而鼓○丙子晨鄭文夫人芊

氏姜氏勞楚子於柯澤杜楚子還過鄭鄭文公夫人芊氏楚女姜氏齊女也柯澤鄭地

○芊彌爾反楚姓也勞力報反柯音哥楚子使師緡示之俘馘杜師緡楚樂師也俘

所得囚馘所截耳。緡音晉俘考扶反馘古獲反君子曰非禮也婦人送迎不

出門見兄弟不踰闕

林婦人送迎賓客不出門此言二夫人往勞非禮接見兄弟不踰門

限此言羊氏與楚子兄弟也相見非禮杜闕門限。闕音域一音况域反

戎車不邇女器

杜邇

近也器物也言得誠非近婦人之物

丁丑楚子入享于鄭

杜為鄭所享

九獻

用上

公之禮九獻酒而禮畢

庭實旅百

杜庭中所陳品數百也

加籩豆六品

杜食物六

品加於籩豆禮食器

享畢夜出文芊送于軍取鄭二姬以歸

杜二姬文

芊女也叔詹曰 林叔詹鄭大夫詹章廉反

楚王其不没乎

杜不以壽終。没門

忽反為禮卒于無別無別不可謂禮將何以没諸侯是以

知其不遂霸也

林受享為禮也而終之以取二甥女是終於尊卑無別多行無禮故知其將不得其

死杜言楚子所以師敗城濮終為商
臣所弑。卒子恤反別彼列反下同

經甲二十有三年春齊侯伐宋圍緡杜緡宋邑高平昌邑縣東南有東緡

城。緡杜三同盟。襄公卒子成公王成立

○秋楚人伐陳○冬十有一月杞子卒杜傳例曰不書名未同盟也杞

入春秋稱侯莊二十七年絀稱伯至此用
夷禮貶稱子林成公卒弟桓公姑容立

傳二十三年春齊侯伐宋圍緡以討其不與盟于齊也

十九年盟于齊以無忘桓公之德而宋獨不
會復名齊人共盟鹿上故今討之。與音預 ○夏五月

宋襄公卒傷於泓故也林戰泓傷股而病以至於死終于魚之言得死為幸 ○秋

楚成得臣帥師伐陳討其貳於宋也

成得臣子玉也

遂取焦夷

城頓而還

杜焦今譙縣也夷一名城父今譙郡城父縣二地皆陳邑頓國今汝陰南頓縣。焦子消

反

子文以為之功使為令尹

林使子玉代已為令尹

叔伯曰子若

國何

杜叔伯楚大夫蓬呂臣也以為子玉不任令尹

對曰吾以靖國也夫有大

功而無貴仕其人能靖者與有幾

林言我正欲以安靖楚國夫人有莫大之

功而無顯貴之仕以處之其人能安靖而不矜功者歟不矜而安靖能有幾人言不多也杜言必矜功為亂不

可不賞。其人能靖者與絕句與音餘幾居豈反

○九月晉惠公卒

杜經在明年從赴

懷公命無從亡人

杜懷公子圍亡人重耳

期期而不至無赦

林約

而不歸殺之無所赦宥。期上如字下音基本亦作暮。狐突之子毛及偃從重耳。

在秦弗名。杜偃子犯也。冬懷公執狐突曰子來則免。杜

期而執突以不名之故。對曰子之能仕父教之忠古之制也策名

委質貳乃辟也。林白子之長能仕於君為父者則教其子以忠於所事此乃古先之法制杜名

書於所臣之策屈膝而君事之則不可以貳辟罪也。質如字辟婢亦反。今臣之子名在重

耳有年數矣若又召之教之貳也父教子貳何以事君

刑之不濫君之明也臣之願也淫刑以逞誰則無罪。林

毛狐偃名書重耳之策非一年於此矣若又召之使歸是教之懷二心父不教子以忠而教子以貳何以盡事

君之道若用刑罰而不濫濫君德之明我所願欲若臣欲濫濫刑罰以快君心誰無辭可加罪。濫力暫反

聞命矣乃殺之卜偃稱疾不出曰周書有之乃大明服

杜周書康誥言君能大明則民服已則不明而殺人以逞不亦難乎民

不見德而唯戮是聞其何後之有言懷公必無後於晉為二十四年殺懷公

張本。逞本亦作呈勅景反○十一月杞成公卒書曰子杞夷也杜成

公始行夷禮以終其身故於卒貶之杞實稱伯仲尼以文貶稱子故傳言書曰子以明之不書名未

同盟也凡諸侯同盟死則赴以名禮也杜隱七年已見今重發不書名

者疑降爵故也此凡又為國史承告而書例赴以名則亦書之杜謂未同盟不然

則否

謂同盟而不以名告

辟不敏也

杜敏猶審也同盟然後告名赴者之禮也承赴然後書策

史官之制也內外之宜不同故傳重詳其義

○晉公子重耳之及於難也晉

人伐諸蒲城

事在五年難乃旦反

蒲城人欲戰重耳不可曰保

君父之命而享其生祿

社享受也保猶恃也林言臣子所恃者以有君父之命而受其

養生之祿邑

於是乎得人

林有祿邑而後能聚人

有人而校罪莫大焉

杜校報也林有民人而與君父校勝負其罪莫大于此。校音教

吾其奔也遂奔狄從

者狐偃趙衰

杜衰趙風弟

顛頡魏武子

武子魏犢。頡月結反

司

空季子

胥臣曰季也時狐毛賈佗皆從而獨舉此五人賢而有大功

狄人伐廆咎如

麇啓如赤狄之別種也隗
姓。麇在良反啓古乃反

獲其二女叔隗季隗納諸公

子公子取季隗生伯儵叔劉以叔隗妻趙哀生盾

杜盾
趙宣

子。儵直由反妻七
計反下同盾徒本反

將適齊謂季隗曰待我二十五年

不來而後嫁對曰我二十五年矣又是而嫁則就木

焉

杜言將死
木不復成

嫁請待子處狄十二年而行

林請終身待
子不嫁重耳

以五年奔狄至十六年適齊凡
十二年而去。請待子絕句

過衛衛文公不禮焉出

於五鹿

杜五鹿衛地今衛縣西北有地名
五鹿陽平元城縣東亦有五鹿

乞食於野人

野人與之塊公子怒欲鞭之子犯曰天賜也

杜得土有
國之祥故

以為天賜。塊若對及又苦怪反。

稽首受而載之

林重耳聞狐偃之言乃稽首禮謝受所予

土而載之車

及齊齊桓公妻之

林以宗女姜氏妻重耳

有馬二十乘

四馬

為乘八十四匹也。乘繩證反下同。

公子安之

林以齊為可安不復有四方之志

從者以

為不可將行謀於桑下

杜齊桓既卒知孝公不可恃故

蠶妾在其上

林姜

氏育蠶之妾適采桑在其上而聞其謀

以告姜氏姜氏殺之

杜姜氏重耳妻恐孝公怒

其去故殺妾以滅口

而謂公子曰子有四方之志其聞之者吾殺

之矣公子曰無之姜曰行也懷與安實敗名

林懷人之寵與安已

之居實足以敗壞功名。敗必邁反。

公子不可姜與子犯謀醉而遣之

林醉

重耳以酒使從者載之而去

醒以戈逐子犯

杜無去志故怒醒星頂反

及曹曹

共公聞其駢脅欲觀其裸浴薄而觀之

杜薄迫也駢脅合幹林駢合也

脅肋也蓋腋下肋骨合比若一裸赤體也肋骨合比非赤體不可見故欲觀其裸伺重耳就浴迫近而觀之○共音恭間其駢脅絕句駢薄賢反脅許業反說文駢脅并也廣雅云脅幹謂之肋通俗云腋下謂之脅欲觀如字絕句一讀至裸字絕句裸力果戶化

僖負羈之妻曰

林僖負羈曹大夫○羈紀宜反

吾觀晉公子之從者皆足以相國若以

相若遂以為傳相相息亮反

夫子必反其國

林夫子謂重耳必得復反晉而為君反

其國必得志於諸侯得志於諸侯而誅無禮曹其首也

子盍蚤自貳馬

杜自貳自別異于曹。盍戶賺反蚤音早。

乃饋盤飧寘璧馬

臣無竟外之交故用盤藏璧飧中不欲令人見。饋其貴反送也。飧音孫說文云舖也字林云水洗飯也寘之

鼓反公子受飧反璧

林受飧以領其意反璧以示不貪

及宋宋襄公贈之

以馬二十乘

杜贈送也

及鄭鄭文公亦不禮馬叔詹諫曰臣

聞天之所啓人弗及也

杜啓開也林天意所欲開道之人人皆不可及

晉公子

有三馬天其或者將建諸

林重耳有人不可及者三事疑是天意將建立之以為君

也君其禮焉男女同姓其生不蕃晉公子姬出也而至

于今一也

林凡男女配合而以同姓者其美先盡故其子孫必不蕃盛故古者娶妻不娶同姓買妾

不知其姓則卜之重耳乃大戎狐姬所生而蕃盛至
于今日此天意之可疑者也杜蕃息也。蕃音煩 離

外之患而天不靖晉國殆將啓之二也

林遺離驪姬之難出奔在外國

而天不安靖晉國禍亂相仍庶幾將開道之此天意之可疑者二

有三士足以上人而

從之三也

林國語狐偃趙衰賈佗三人皆相材足以居人之上而從重耳以為左右此天意之可疑

者三。從如字一音才用反

晉鄭同儕

杜儕等也儕壯皆反

其過子弟固將禮

焉况天之所啓乎弗聽及楚楚子饗之曰公子若反晉

國則何以報不穀

林不穀諸侯謀稱言何以報我之德將以觀其志也。過古禾反

對

曰子女玉帛則君有之羽毛齒草則君地生焉其波及

晉國者君之餘也其何以報君

林子女聲色之奉玉帛府庫之積則楚君之所

素有鳥之長羽細毛獸之齒牙皮草則君地之所產
其餘波沾溉以及晉國者皆楚君享用之棄物也其將

何物以報君德

曰雖然何以報我對曰若以君之靈得反晉國

晉楚治兵遇於中原其辟君三舍若不獲命

林三十里為一舍杜

三退不得楚止命也

其左執鞭弭右屬橐韃以與君周旋

杜弭弓未無綠

者橐以受箭韃以受弓屬者也周旋相追逐也。弭莫爾反屬音燭橐古刀反韃九言反

子玉請殺

之志大

楚子曰晉公子廣而儉

杜志廣而體儉

文而有禮

雖文華而能約之以禮

其從者肅而寬忠而能力

林遇事肅敬而濟之以寬容盡

忠事主而加之以勤力

晉侯無親外內惡之

杜晉侯惠公也林外如秦國內如里平之

黨無不惡之惡鳥路反

吾聞姬姓唐叔之後其後衰者也其將由

晉公子乎天將興之誰能廢之違天必有大咎乃送諸

秦秦伯納女五人懷嬴與焉

杜懷嬴子圉妻子圉諡懷公故號為懷嬴。咎其九

反與音預奉匱沃盥既而揮之

杜匱沃盥器也揮煎也林奉匱以供沃盥既盥而揮匱水

滴酒重耳。奉芳勇反匱以支反一音以紙反說文云似羹魁柄中有道可注水盥古緩反揮許韋反

怒

曰秦晉匹也何以卑我

林言秦晉匹敵之國也何故不敬吾君而使我奉匱供沃

子懼降服而囚

去上服自拘囚以謝之

他日公享之子犯曰吾不

如哀之文也

杜有文辭也。初危反下同。

請使哀從公子賦河水

河水

逸詩義取河水朝宗于海海喻秦

公賦六月

六月詩小雅道尹吉甫佐宣王征伐喻公子還晉必

能匡王國古者禮會因古詩以見意故言賦詩斷章也其全稱詩篇者多取首章之義他皆故此

趙哀

曰重耳拜賜

林君前臣名故名重耳使拜秦賜

公子降拜稽首公降一

級而辭焉

杜下階一級辭公子稽首。級音急

哀曰君稱所以佐天子者

命重耳重耳敢不拜

杜詩首章言匡王國次章言佐天子故趙哀因通言之為明年秦伯

納之張本

左傳杜林合注卷十一

欽定四庫全書

左傳杜林合注卷十二 明 王道焜

趙如源 同編

僖公四

經^{乙酉}二十有四年春王正月○夏狄伐鄭○秋七月○

冬天王出居于鄭杜襄王也天子以天下為家故所在稱居天子無外而書出者譏王蔽於

匹夫之孝不顧天下之重因其辟母弟之難書出言其自絕於周○晉侯夷吾卒杜文

位而後告未同盟而赴以名

傳二十四年春王正月秦伯納之不書不告入也

杜納重耳

也及河子犯以璧授公子曰臣負羈縻從君巡於天下

杜羈馬羈縻馬纏。羈紀宜反說文云馬絡頭也縻息列反說文云係也從才用反又如字臣之罪

甚多矣臣猶知之而況君乎請由此亡公子曰所不與

舅氏同心者有如白水

林臣猶自知其罪何況於君而不記臣之罪乎請君自歸國我

由此而逃去也杜子犯重耳舅也言與舅氏同心之明如此白水猶詩言謂子不信有如皦日投其璧

于河

杜質信於河

濟河圍令狐入桑泉取臼哀

杜桑泉在河東解縣西解

縣東南有臼城。令二月甲午晉師軍於廬柳

杜懷公遣軍距

力丁反哀初危反

重耳。廬力居秦伯使公子繫如晉師師退軍於郇林反柳力九反

師從秦命納文公故退師杜解縣西北有郇城。繫張立反郇音荀辛丑狐偃及秦晉之

大夫盟于郇壬寅公子入于晉師丙午入于曲沃丁未

朝于武宮杜文公之祖武公廟戊申使殺懷公于高梁不書亦不

告也杜懷公奔高梁高梁在平陽楊縣西南再發不告者言外諸侯入及見殺亦皆須告乃書於策呂

卻畏偪呂甥卻芮惠公舊臣故畏偪將焚公宮而弑晉侯

林將焚公宮因救火作難而弑晉文公。弑音試又作殺寺人披請見公使讓之且

辭焉林披嘗得罪於文公故使人責之且辭不見。寺本又作侍披普皮反見賢通反曰蒲城

之役

杜在五年

君命一宿女即至

杜即日至。女音汝下皆同

其後余從

狄君以田渭濱

杜田獵。渭音謂水名濱音賓

女為惠公來求殺余命

女三宿女中宿至雖有君命何其速也夫祛猶在

杜披所斬

文公衣袂也。為于偽反中丁仲反女中宿至或無至字祛起魚反

女其行乎

林言者女以速也

對曰臣謂君之入也其知之矣若猶未也又將及難謂

君之以艱難得國也其知為君之道矣若猶未知為君之道又將及於患難。難乃且反

君命無二

古之制也除君之惡惟力是視蒲人狄人余何有焉

林言

我奉君命則為除去君之惡惟視吾力之所能及謂即至蒲次宿至狄當此之時我知為獻公惠公而已何有

於文公哉。當二君世君為蒲狄之人於我有何義。今君即位其無蒲狄乎。林其無如

蒲如狄欲為君害者乎。齊桓公置射鉤而使管仲相。杜乾時之役管仲射桓公

中帶鉤。射食亦反相息亮反。君若易之何辱命焉。杜言若反齊桓已將自去不須辱君

命行者甚衆豈唯刑臣。林懼罪而出奔者甚多豈止我一人而已杜披奄人故稱刑臣

。甚一本作其。公見之以難告。杜告呂卻欲焚公宮三月晉侯潛會秦伯

于王城。林不使呂卻知已丑晦公宮火瑕甥卻芮不獲公乃如

河上秦伯誘而殺之晉侯逆夫人嬴氏以歸。秦穆公女文嬴也

秦伯送衛於晉三千人實紀綱之僕。杜新有呂卻之難國未輯睦故以兵

衛文公靖公諸門戶僕隸之事皆秦卒共之為之紀綱

初晉侯之豎頭須守藏者

也杜頭須一曰里鳧須豎左右小吏林晉文公之守幣也藏者。豎上注反藏才浪反下同韓詩外傳云晉文

公亡過曹里鳧須從因盜重耳資而亡重耳無糧餒不能行介子推割股以食重耳然後能行其出也

竊藏以逃杜文公出時盡用以求納之杜求納文公。盡津忍反及入求

見公辭焉以沐謂僕人曰沐則心覆心覆則圖反宜吾

不得見也林洗頭曰沐沐則頭低而心則反覆心主謀畫心既反覆則所圖謀者宜亦反覆宜我求

見而不得見。見賢遍反覆芳服反居者為社稷之守行者為羈縻之僕

其亦可也何必罪居者林居者行者皆可以事君何必以居者為有罪。守手又反又

如國君而讐匹夫懼者甚衆矣僕人以告公遽見之

言文

公棄小怨所以能安衆。甚衆本或作其衆遽其據反。○狄人歸季隗于晉而請

其二子杜二子伯僚叔劉林請其進退之命文公妻趙衰生原同屏括樓

嬰林文公以女妻趙衰杜原屏樓三子之邑。妻七封反屏步丁反括古活反趙姬請逆盾

與其母杜趙姬文公女也子餘辭杜子餘趙衰字姬曰得寵而忘舊

何以使人林得新寵而忘舊愛必逆之固請許之來林叔

隗與盾來以盾為才固請于公以為嫡子而使其三子

下之以叔隗為內子而已下之杜卿之嫡妻為內子皆非此年事蓋因狄人歸

季隳遂終言叔隳。○本晉侯賞從亡者介之推不

言祿祿亦弗及。介推支公微臣之語助。從推曰獻公

之子九人唯君在矣惠懷無親外內棄之天未絕晉必

將有主主晉祀者非君而誰天實置之而二三子以為

已力不亦誣乎。林惠公懷公無親黨之援外之親鄰內

必將有君以主其社稷主晉國宗廟社稷之祭祀者非

屬之文公而誰屬天實置立以為晉君而二三從亡之

臣乃以復國為已力所竊人之財猶謂之盜況貪天之

功以為已力乎下義其罪上賞其姦上下相蒙
林貪天

之功罪

也在下者反以為立君之義貪天之功奸也在上者反以推立君之賞下不知其罪而求之是欺其上上不討其奸而賞之是欺其下杜蒙欺也 難與處矣其母曰盍亦求之以死誰

懟對曰尤而效之罪又甚焉且出怨言不食其食

林不求而

死將以誰怨尤過也以彼之貪天為過而又效之求賞知而故犯其罪又甚於不知而冒犯者且我既出怨言謂上下相蒙難與處矣不當更食共食肉之祿。盍戶賺反懟直類反 其母曰亦使知之

若何

社既不求之且欲令推達言於文公

對曰言身之文也身將隱焉用

文之是求顯也

林是偽隱而有求顯達之心。焉於虔反

其母曰能如是乎

與女偕隱

杜偕俱也女音汝

遂隱而死晉侯求之不獲以縣上

為之田曰以志吾過且旌善人

林以綿上之地為介推私田以供祭祀以記吾

推賞忘善之過且表介推隱逸不貪之善杜旌表也西河界休縣南有地名緜上

○鄭之入滑

也滑人聽命

入滑在二十年

師還又即衛

言鄭師既歸又叛鄭通好於衛

鄭公

子士洩堵俞彌帥師伐滑

堵俞彌鄭大夫。羊朱反彌亡皮反。

王使伯

服游孫伯如鄭請滑

杜二子周大夫

鄭伯怨惠王之入而不與

厲公爵也又怨襄王之與衛滑也

怨王助衛為滑請

故不聽王

命而執二子王怒將以狄伐鄭富辰諫曰不可臣聞之

大上以德撫民

杜無親疏也。聽吐走反而執二子本或作而執其二子其行字也大音泰

其次親親以相及也

杜先親以及疏推思以成義

昔周公弔二叔之

不咸故封建親戚以蕃屏周

杜弔傷也咸同也。周公傷夏殷之二叔世疏其親

戚不能同心以至滅亡故廣封兄弟建為諸侯以為周室之蕃翰屏蔽或以二叔為管蔡者非蓋下文方列管

蔡為文昭故不得以二叔為管蔡又管叔蔡叔霍叔三叔不得稱二叔。蕃方元反管蔡郈霍魯

衛毛聃郤雍曹滕畢原鄆郇文之昭也

杜十六國皆文王子也管國在

蔡陽京縣東北雍國在河內山陽縣西畢國在長安縣西北鄆國在始平鄆縣東林文王於周為穆穆生昭故

曰文之昭。郈音成聃乃甘反雍於用反鄆音豐郇音荀邠晉應韓武之穆也

杜四國皆

武王子應國在襄陽城父縣西南韓國在河東郡界河內野王縣西北有邠城林武王於周為昭昭生穆故曰

武之穆。邦音干。

凡將邢茅胙祭周公之脗也。

杜脗嗣也。蔣在戈陽期思縣高

平昌邑縣西有茅卿東郡燕縣西南有胙亭。蔣將文反茅亡交反胙才故反祭側界反。

召穆公思

周德之不類故糾合宗族于成周而作詩。

杜類善也糾收也名穆公

周卿士名虎召采地扶風雍縣東南有召亭周厲王之時周德衰微兄弟道缺召穆公于東都收會宗族特作

此周公之樂歌常棣詩屬小雅。名上照反糾居黜反。

曰常棣之華鄂不韡韡

杜常

棣棣也鄂鄂然華外發貌韡韡光明貌以喻兄弟和睦則強盛而有光輝韡韡然。鄂五各反不方九反韡音

偉凡今之人莫如兄弟

言致韡韡之盛莫如親兄弟

其四章曰兄弟

闕于牆外禦其侮

林闕訟爭貌言內雖不和然有外侮則同心禦之矣此詩乃周公閱管蔡

史道而作今富長以為名穆公所作者蓋樂章久廢名穆公所作周公樂歌也。閱呼歷反毛詩傳云狼也禦

魚呂反不同侮亡甫反詩作務

如是則兄弟雖有小忿不廢懿親

杜懿美也

今天子不忍小忿以棄鄭親其若之何庸勲親親暱近

尊賢德之大者也

杜庸用也暱親也。暱女乙反

即聾從昧與頑用囂

姦之大者也棄德崇姦禍之大者也

杜崇聚也。聾鹿工反昧音妹囂魚

反鄭有平惠之勲

平王東遷晉鄭是依惠王出奔統鄭納之是其勲也

又有厲宣

之親

鄭始封之祖桓公友周厲王之子宣王之母弟

棄嬖寵而用三良

杜七年殺嬖臣

申侯十六年殺龍子子華也三良叔詹堵叔師叔所謂尊賢

於諸姬為近

杜鄭居河洛北之姬姓諸

使去周最近
所當親暱

四德具矣耳不聽五聲之和為聾目不別

五色之章為昧心不則德義之經為頑口不道忠信之

言為騷狄皆則之

林五聲宮商角徵羽樂之正聲也故有耳而不聽五聲之和諧是其聾也

五色蒼赤白黑黃五方之正色也故有目而不辨五色之文章是其昧也有得於已之謂德合宜之謂義故有心而不法德義之經常是其頑也盡已之謂忠誠實之謂信故有口而不談道忠信之言是其騷也狄皆以四者為法則。

四姦具矣周之有懿德也猶曰莫如兄弟

故封建之

杜當周公時故言周之有懿德

其懷柔天下也猶懼有外侮

扞禦侮者莫如親親故以親屏周

林以同姓諸侯為周屏翰

名穆公

亦云

周公作詩名公歌之故言亦云

今周德既衰於是乎又渝周名以

從諸姦無乃不可乎

杜慶周名親兄弟之道林以狄伐鄭是從狄之諸姦。渝羊朱反。

民未忘禍王又興之

杜前有子頹之亂中有叔帶名狄故曰民未忘禍

其若文

武何

言將廢文武之功業

王弗聽使頹叔桃子出狄師

杜二子周大夫。桃

如字本或作姚亦宜音桃

○夏狄伐鄭取櫟王德狄人將以其女為

后富辰諫曰不可臣聞之曰報者倦矣施者未厭

林言人

之施者力已倦怠自謂所報已過有勞而望報者未有厭足之心杜施功勞也有勞則望報過甚。櫟力狄反施如字厭於飽反又於鹽反

狄固貪恠王又啓之

林或狄之性本自貪恠無厭王又聞

其無厭之心將以其女為后。林力
南反方言云殺入而取其財曰淋。女德無極婦怨無

終

杜婦女之志近之則不知止足

狄必為患

林言狄貪女怨必為

異日之患害

王又弗聽初甘昭公有寵於惠后

杜甘昭公王子帶也食邑

於甘河南縣西南有甘水

惠后将立之未及而卒

林未及立子帶而惠后先死

昭

公奔齊

杜奔齊在十二年

王復之

杜在十二年

又通於隗氏

杜隗氏王所立

后狄王替隗氏

杜替廢也。替他計反。

頹叔桃子曰我實使狄狄其

怨我

林我實使狄師伐鄭及其女為后今廢狄女則狄將以其怨王者而怨我

遂奉大叔以

狄師攻王王御士將禦之

杜周禮王之御士十二人

王曰先后其謂

我何

杜先后惠后也 誅大叔恐違先后志

寧使諸侯圖之

林蓋不欲親誅叔帶

王遂

出及坎欲國人納之

杜坎歐周地在河南鞏縣東林國人納襄王于周不聽王出。坎若

感反歐大感反

秋頽挑子奉太叔以狄師伐周大敗周師獲周

公忌父原伯毛伯富辰

杜原毛皆采邑林四子皆襄王黨

王出適鄭處

于汜

杜鄭南汜也在襄城縣南。汜音凡後皆同

大叔以隗氏居于溫○鄭

子華之弟子臧出奔宋

十六年殺子華故

好聚鷓冠

鷓鳥名聚鷓羽以為

冠非法之服。好呼報反鷓尹橘反翠鳥也

鄭伯聞而惡之

惡其服非法。惡鳥路反

使

盜誘之八月盜殺之于陳宋之間君子曰服之不衷身

之災也

杜秉猶適也言衣服之不適其中則災必及其身。表音忠一音丁仲反

詩曰彼已

之子不稱其服

杜詩曹風刺小人在位言彼人之德不稱其服。已音記稱尺證反下同

子

臧之服不稱也夫

林無德以稱之也。服一本作之及夫音扶

詩曰自詒伊

感其子臧之謂矣

杜詩小雅詒遺也感憂也。其自遺憂。詒以支反

夏書曰地

平天成稱也

杜夏書逸書地平其化天成其施上下相稱為宜。夏戶雅反後夏書皆故此

○

宋及楚平

林宋自於泓之敗與楚不睦至是成公改紀始及楚平

宋成公如楚還

入於鄭鄭伯將享之間禮於皇武子

杜皇武子鄭卿

對曰宋先

代之後也於周為客天子有事膳焉

杜有事祭宗廟也膳祭肉尊之故賜

以祭昨。膳符表反周禮又作錫反音義皆同

有喪拜馬

宋弔周喪王特拜謝之

豐厚可

也

林言天子尚尊敬之則鄭享宋公宜豐厚其禮

鄭伯從之享宋公有加禮也

杜禮物事事加厚善鄭能尊先代。享宋公有加絕句禮也一本無也字讀總為一句

○冬王使

來告難曰不穀不德得罪于母弟之寵子帶鄙在鄭地

汜

林王引咎自責故云得罪於同母弟以子帶為惠后所寵故云寵子帶鄙野也言野處於鄭國之汜地。

難乃且反下同

敢告叔父

杜天子謂同姓諸侯曰叔父

臧文仲對曰天子蒙

塵于外敢不奔問官守

杜官守王之羣臣林天子出奔謂之蒙塵不敢斥尊故言奔問

王之官守。守手又反。

王使簡師父告于晉使左馭父告于秦

杜二

子周大夫
駟於晚反

天子無出

杜普天之下
非王土故無出

書曰天王出居于

鄭辟母弟之難也

杜叔帶襄
王同母弟

天子凶服降名禮也

杜凶
服素

服降名稱不殺林
得恐懼修省之禮

○鄭伯與孔將鉏石甲父侯宣多省

視官具于汜

林三子鄭大夫省官司
具器用。鉏仕居反

而後聽其私政禮

也
得先君後已之
禮。聽吐庭反

○衛人將伐邢禮至曰不得其守國

不可得也

杜禮至衛大夫守
謂邢正卿國子

我請昆弟仕焉

林我請為
衛間謀先

以兄弟往邢求仕焉
此其為得國子之道

乃往得仕

林果得仕為
明年滅邢傳

經丙

二十有五年春王正月丙午衛侯燬滅邢

杜衛邢
同姬姓

惡其親親相滅故稱
名罪之。燬况委反

○夏四月癸酉衛侯燬卒

杜無傳
五同盟

林文公卒子

○宋蕩伯姬來逆婦

杜無傳伯姬魯女為
宋大夫蕩氏妻也旬

為其子來逆稱婦姑存之辭
婦人越竟迎婦非禮故書

○宋殺其大夫

無傳其事
則未聞於

例為大夫無
罪故不稱名

○秋楚人圍陳納頓子于頓

杜頓迫於陳
而出奔楚故

楚圍陳以納頓子不言遂明一事也子
玉稱人從告頓子不言歸與師見納故

○葬衛文公無傳

○冬十有二月癸亥公會衛子莒慶盟于洮

杜洮魯地衛
文公既葬成

公不稱爵者述父之志降名從未成君故書
子以善之莒慶不稱氏未賜族。洮吐名反

傳二十五年春衛人伐邢二禮從國子巡城掖以赴外

林禮至兄弟從國子巡城申
警守備手掖國子以赴外師殺之正月丙午衛侯燬滅

邢同姓也故名禮至為銘曰余掖殺國子莫余敢止言林

我手掖而殺國子莫我敢止言其勇也惡其不知耻詐
以滅同姓而反銘功於器。掖音亦說文云以手持人

臂曰掖 ○秦伯師于河上將納王狐偃言於晉侯曰求諸

侯莫如勤王杜勤納王也 諸侯信之且大義也繼文之業而

信宣於諸侯今為可矣杜晉文侯仇為平王侯伯匡輔周室林勤王之信義宣布於諸

侯今機會為可乘矣 使卜偃卜之林此大卜名偃非狐偃也 曰吉遇黃帝戰于

阪泉之兆杜黃帝與神農之後姜氏戰於阪泉之野勝之今得其兆故以為吉 公曰吾不

堪也

文公自以為已當此兆故曰不堪

對曰周禮未改今之王古之帝

也

杜言周德雖衰其命未改今之周王自當帝兆不謂晉林禮天子之禮

公曰筮之筮之

遇大有三三

乾下離上大有

之睽三三

兌下離上睽大有九三變而為睽

曰吉

遇公用享于天子之卦

大有九三爻辭也三為三公而得位變而為兌兌為說得位而

說故能為王所宴饗也

戰克而王享吉孰大焉

林吉卜筮協占卜遇阪泉之兆是戰

克筮得大有九三之卦是王享也

且是卦也

方更總言二卦之義不繫於一爻

天為澤

以當日天子降心以逆公不亦可乎

乾為天兌為澤乾變為兌而上當離

離為日日之在天垂曜在澤天子在上說心在下是降心逆公之象

大有去睽而復亦其

所也

杜言去睽卦還論大有亦有天子降心之象乾尊離卑降尊下卑亦其義也

晉侯辭秦

師而下

林晉文辭讓秦師使還獨以晉師順流而下以納襄王

三月甲辰次于陽

樊右師圍温

杜大故

左師逆王○夏四月丁巳王入于

王城取大叔于温殺之于隰城戊午晉侯朝王王饗醴

命之宥

杜既行饗禮而設醴酒又加之以幣帛以助歡也宥助也。隰音習醴音禮者音又

請隧弗

許

闕地通路曰隧王之葬禮也諸侯皆縣柩而下。隧音遂今之延道

曰王章也

章顯王者與諸

侯

未有代德而有二王

林言周德雖衰天下未有代周之德者而晉欲擬天子之禮是

有二

亦叔父之所惡也與之陽樊温原攢茅之田晉於

是始啓南陽

林此襄王不許晉隧葬而割周四邑以塞晉文之意也晉於是始開南陽之疆土四

邑在晉山南河北故曰南陽。惡鳥路反攢才官反

陽樊不服圍之倉葛呼曰

倉杜

葛陽樊人。呼喚故反

德以柔中國刑以威四夷宜吾不敢服也

此誰非王之親姻其俘之也乃出其民

林言惟德之善者可以柔懷中

國亦惟刑之善者可以威懼四夷晉不尚德政而尚威刑宜吾之不敢服晉凡居此地者誰非王室之親戚調

姪若何執拘以為俘因晉聞倉葛之言知不可強取乃出陽樊之民取其土而已。俘芳夫反

○秋秦

晉伐郟

郟本在商密秦楚界上小國其後遷於南郟音若字林云楚邑楮斫反

楚鬬

克屈禦寇以申息之師戍商密

杜鬬克申公子儀屈禦寇息公子遘商密郟別

邑今南鄉丹水縣戍守也。二子屯兵於析以為商密援。禦魚呂反。秦人過析隈入而係

輿人以圍商密昏而傳焉。

杜析楚邑一名白羽今南鄉析縣隈隱蔽之處係縛輿人

詐為克析得其囚俘者昏而傳城不欲令商密知囚非折人。過古卧反又音戈折星歷反隈烏回反係音計

輿音餘傳音附

宵坎血加書偽與子儀子邊盟者

杜掘地為坎以埋盟之餘

血加盟書其上

商密人懼曰秦取析矣戍人反矣

林見縛囚故疑取折見盟

微故疑二子已與衆反叛

乃降秦師囚申公子儀息公子邊以歸

商密

既降折戍亦敗故得囚二子。降戶江反後皆同

楚令尹子玉追秦師弗及

不復

言晉者秦為兵主

遂圍陳納頓子于頓

為頓圍陳

○冬晉侯圍原

林原

亦如陽樊不服
故晉文公圍原

命三日之糧原不降命去之

林三日期滿故命撤

圍而去之

謀出

杜謀問也
謀音謀

曰原將降矣軍吏曰請待之公曰

信國之寶也民之所庇也得原失信何以庇之所亡滋

多

林民無信不立故以信庇其身我命三日降原復少
待之是得一原而失信於我師無信何以庇民得原

所得少失信所失多退一舍而原降遷原伯貫于冀杜

貫周守原大夫也
貫古亂反

趙衰為原大夫狐漆為温大夫

杜狐漆
狐毛之

子。漆
側申反

○衛人平莒于我十二月盟于洮修衛文公之

好且及莒平也

杜莒以元年鄆之役怨魯衛文公將平
之未及而卒成公追成父志降名以行

事故曰修文公之好。好呼報反。

○晉侯問原守於寺人勃鞞

杜勃鞞拔也。

守手又反。勃步忽反。鞞丁兮反。

對曰昔趙衰以壺飧從徑餒而弗食

林

脯也。水澆飯也。言趙衰昔者以壺承飯從文公於行役。雖餓而不敢食。杜言其廉且仁不忘君也。徑猶行也。

殮音孫。從才用反。舊如字。徑古定反。一讀以壺殮從絕句。讀徑為經。連下句。率於杜義餒奴罪反餓也。

故

使處原

從披言也。哀雖有大功猶簡小善以進之。示不遺勞。

經

亥丁二十有六年春王正月己未公會莒子衛甯速盟

于向

杜向莒地甯速衛大夫莊子也。向舒亮反。

○齊人侵我西鄙公追齊

師至鄆弗及

杜公逐齊師遠至齊地故書之。齊北穀城縣西有地名鄆下。鄆本又作雋戶圭反。

一音似
轉反

○夏齊人伐我北鄙

杜孝公未入魯竟先使微者伐之林此齊侯也其稱

人何自隱以來以兵加我君大夫將皆書人君將書君自文十五年齊懿公始大夫將書大夫自齊高厚始訖

春秋惟知

○衛人伐齊○公子遂如楚乞師

杜公子遂魯卿也乞

不保得之辭林乞師始此內乞師不書

書乞師于楚誌中國之屈於夷狄也

○秋楚人滅夔

以夔子歸

杜夔楚同姓國今建平秭歸縣夔有不祀之罪故不譏楚滅同姓。夔求龜反。

○冬

楚人伐宋圍緡公以楚師伐齊取穀

杜傳例曰師能左右之曰以林穀齊

地。緡亡中反

公至自伐齊

無傳

傳二十六年春王正月公會莒茲平公

茲平時君之號莒夷無諡以號

為稱。平
善悲反

甯莊子

林即甯速

盟于向尋洮之盟也

洮盟在前年

齊師侵我西鄙討是二盟也

杜討魯與衛莒為洮向之二盟

○夏齊孝

公伐我北鄙衛人伐齊

林衛救魯故伐齊

洮之盟故也公使展

喜犒師

杜勞齊師犒若報反

使受命于展禽

林使展喜受勞師之辭命于柳下惠

齊侯未入竟展喜從之曰寡君聞君親舉玉趾將辱於

敝邑使下臣犒執事

杜言執事不敢斥尊。趾音止足也

齊侯曰魯人恐

乎對曰小人恐矣君子則否

林言小人無知則畏恐也其君子有見識則不畏恐

齊侯曰室如縣罄野無青草何恃而不恐

杜如而也時夏四月

今之二月野物未成故言居室而資糧。野盡在野則無蔬食之物所以當恐。恐曲勇反下同。縣音玄。罄亦作也。罄盡。對曰恃先王之命昔周公大股肱周室夾輔成

王成王勞之而賜之盟曰世世子孫無相害也載在盟

府林言魯之所恃者以有先王之命所以不恐周公魯之祖太公齊之祖二公相成王為周室之股肱成王

嘉二公之功而慰勞之賜二公以盟齊魯二國世世子孫無得相為患害此二句乃載書之辭載在盟書而

藏於司盟之府杜載載書也。太音泰下同夾古洽反舊音古協反太師職之杜職主也太公為太

師兼主司桓公是以糾合諸侯而謀其不協林桓公承齊之緒是

以能糾率列國之諸侯有不和協者則會盟以圖謀之彌縫其闕而匡救其災昭

舊職也

林言桓公所以成霸業者昭明
大公夾輔之舊職。縫扶容反

及君即位諸侯

之望曰其率桓之功

杜率
猶也

我敵邑用不敢保聚

杜用此
舊盟故

不聚衆
保守

曰豈其嗣世九年而棄命廢職

林棄先王之命
廢大公之職

其若先君何君必不然恃此以不恐齊侯乃還○東門

襄仲臧文仲如楚乞師

杜襄仲居東門故以為氏臧文
仲為襄仲副使故不書林襄仲

即公
子遂

臧孫見子玉而道之伐齊宋以其不臣也

杜言其
不臣事

周室可以此罪責
而伐之。道音導

○夔子不祀祝融與鬻熊

祝融高辛
氏之火正

楚之遠祖也鬻熊祝融之十一世孫夔楚之
別封故亦世紹其祀。融餘忠反鬻音育

楚人讓之

對曰我先王熊摯有疾鬼神弗赦而自竄于夔

杜熊摯楚嫡子

有疾不得嗣位故別封為夔子林熊摯即楚熊渠之中子紅立為鄂王者也。摯音至竄七亂反字林又于外

反吾是以失楚又何祀焉

杜廢其常祀而飾辭文過

秋楚成得臣鬪

宜申帥師滅夔以夔子歸

杜成得臣命尹子玉鬪宜申司馬子西也

○宋

以其善於晉侯也

杜重耳之出也宋襄公贈馬二十乘

叛楚即晉

林宋自二十四

年朝楚為平至是叛楚即晉

冬楚令尹子玉司馬子西帥師伐宋圍

緡○公以楚師伐齊取穀凡師能左右之曰以

杜左右謂進退

在巳。左右並如字

真桓公子雍於穀易牙奉之以為魯援

飛本與孝

公乎立故使居穀以備齊
○寘之豉反援于蕃反


楚申公叔侯戍之

為二十八年楚子使

申叔去
穀張本

桓公之子七人為七大夫於楚

言孝公不能撫公族



左傳杜林合注卷十二

欽定四庫全書

經部

左傳杜林合注卷十三

六至

詳校官監察御史_臣祝德麟

給事中_臣溫常綬覆勘

總校官編修_臣王燕緒

校對官員外_臣張慎和

謄錄監生_臣江右端

欽定四庫全書

左傳杜林合注卷十三

明 王道焜

趙如源 同編

僖公五

經 戊子二十有七年春杞子來朝。夏六月庚寅齊侯昭

卒杜十七年與魯大夫盟于秋八月乙未葬齊孝公

葬齊林安公弟昭公潘立無傳三。乙巳公子遂帥師入杞杜弗地曰八八月

日。冬楚人陳侯蔡侯鄭伯許男圍宋杜傳言楚子使子玉去宋經書

入者恥不得志以徵者吾猶序諸侯之上楚主
兵故林楚序諸侯上而稱人嫌于楚以霸也

十有二

月甲戌公會諸侯盟于宋

杜無傳諸侯伐宋公與楚有好而往會之非後期宋方見圍

無嫌於與盟故直以宋地

傳二十七年春杞桓公來朝用夷禮故曰子

杜祀先代之後而迫

於東夷風俗雜壞言語衣服有時而夷故祀子卒傳言其夷也今稱朝者始於朝禮終而不全異於介葛廬故唯欺其爵公卑祀杞不共也
杜祀用夷禮故賊之
○夏齊孝

公卒有齊怨

杜前年齊再伐魯

不廢喪紀禮也

杜帛贈之數不有廢林得交鄰之禮

○秋入杞責無禮也

杜責不共也。責無禮本或作責禮也

○楚子將圍

宋使子文治兵於睽

杜子文時不為令尹故云使治兵習號令也睽楚邑。睽苦圭反又音

圭終朝而畢不戮一人

杜終朝自旦及食時也子文欲委重於子玉故略其事。朝如

字戮音六子玉復治兵於蔿

杜子玉為令尹故為楚邑。復扶又反蔿又于委反

終日

而畢鞭七人貫三人耳

杜以矢穿其耳。貫音官又古亂反

國老皆賀子

文子文飲之酒

杜國老卿大夫之致仕者也皆賀子文使子玉為令尹能堪其事。飲於鵠反

為賈尚幼後至不賀

杜為賈伯嬴孫叔敖之父幼少也。嬴音盈

子文問之

對曰不知所賀

杜言不知所賀之由

子之傳政於子玉曰以靖

國也靖諸內而敗諸外所獲幾何

杜述子文二十三年答叔伯之言一時雖

獲安靖於內而異日驕功生事必致喪敗於外言所得不補所喪。傳自尊反幾居豈反。子玉之敗

子之舉也舉以敗國將何賀焉

林子玉若敗楚師於外由子文實舉以自代舉

子玉而以敗國事將何足以為賀子玉剛而無禮不可以治民過三百

乘其不能以入矣苟入而賀何後之有

林子玉力小任重將不能以

入其衆而治之也苟子玉能入其衆而舉賀典未為後時而失禮言不勝其任不足賀杜三百乘二萬二千五

百人。乘繩證反○冬楚子及諸侯圍宋宋公孫固如晉告急

杜公孫固宋莊公孫林即二十二年大司馬固先軫曰報施救患取威定霸於

是乎在矣

杜先軫晉下軍之佐原軫也林報宋贈馬之施救宋被圍之患取威重於諸侯定霸業於

晉國四事皆在救宋之一舉
矣。軫之忍反施式鼓反
狐偃曰楚始得曹而新昏

於衛若伐曹衛楚必救之則齊宋免矣
杜前年楚使申叔侯戍穀以逼

齊
於是乎蒐于被廬
杜晉常以春蒐禮改政令敬其始也。被廬晉地林蒐治兵也。蒐所

求反被皮義
反廬力居反
作三軍
杜閔元年晉獻公作二軍今復大國之禮
謀元帥
林諒于

衆以誰可當中軍大
帥之任。帥所類反
趙衰曰卻縠可臣亟聞其言矣說

禮樂而敦詩書詩書義之府也禮樂德之則也德義利

之本也夏書曰賦納以言明試以功車服以庸
林言臣數聞卻

穀之言其所喜說者禮樂之事其所崇敦者詩書之文
詩備美刺善惡書載帝王興廢此義理之府藏也禮以

左傳杜林合注
三

導中樂以導和此德行之法則也德行義理利國利民之本也杜尚書虞夏書也取納以言觀其志也明試以功考其事也車服以庸報其勞也賦猶取也庸功也

○穀本又作穀同胡本反亟欺冀反數也說音說 君

其試之

林言臣既聞其言君盍明試以功

乃使卻縠將中軍卻縠溱佐之

使狐偃將上軍讓於狐毛而佐之

杜狐毛偃之兄。將子匠反下皆同溱側

中反 命趙衰為卿

林將下軍

讓於欒枝先軫

杜欒枝貞子也欒賈之孫。欒魯官

反

使欒枝將下軍先軫佐之荀林父御戎魏犢為右

杜荀

林父中行桓子

晉侯始入而教其民二年欲用之

杜二十四年入 子犯

曰民未知義未安其居

林無義則苟生用之易至於逃散

於是乎出定

襄王

二十五年定襄王以示事君之義

入務利民民懷生矣

林民皆懷生安居知

生之

將用之子犯曰民未知信未宣其用

杜宣明也未明於見用之信

於是乎伐原以示之信

杜伐原在二十五年林持三日糧還三十里以示之信

民

易資者不求豐焉明徵其辭

林民以資物易資財者不詐以求豐多明定其辭不

二價重言信也

公曰可矣乎子犯曰民未知禮未生其共於是

乎大蒐以示之禮

杜蒐順少長明賁賤

作執秩以正其官

杜執秩主爵秩之

官。秩直乙反

民聽不惑而後用之

林民知義知信知禮則聽上之命而不疑惑然後用

民以圖霸業如下文所云

出穀戍釋宋圍

杜楚子使申叔去穀子玉去宋

一戰而霸

文之教也

杜謂明年戰城濮林由晉侯以文德教民故也

經

已丑

二十有八年春晉侯侵曹晉侯伐衛

杜再舉晉侯者曹衛兩來

吾林晉文公始圖霸自此至踐土凡五書晉侯予晉以霸也

○公子買戍衛不卒戍

刺之

杜公子買魯大夫子叢也內殺大夫皆書刺言用周禮三刺之法示不枉濫也公實畏晉殺子叢而

遂誣叢以廢戍罪恐不為遠近所信故顯書其罪。刺七賜反

楚人救衛○三月丙午

晉侯入曹執曹伯畀宋人

杜畀與也執諸侯當以歸京師晉欲怒楚使戰故以與宋

所謂論而不正。畀必利反

○夏四月己巳晉侯齊師宋師秦師及

楚人戰于城濮楚師敗績

杜宋公齊國歸父秦小子憇既次城濮以師屬晉不與戰

也子玉及陳蔡之師不書楚人恥敗也
略也大崩曰敗績林城濮衛地。濮音卜。○楚殺其大

夫得臣

杜子玉違其君命以取敗稱名以殺罪之

○衛侯出奔楚○五月癸

丑公會晉侯齊侯宋公蔡侯鄭伯衛子莒子盟于踐土

杜踐土鄭地王子虎臨盟不同敵故不書衛侯出奔其弟叔武攝位受盟非王命所加從未成君之禮故稱子而序鄭伯之下經書癸丑月十八日也傳書癸亥月二十日經傳必有誤。踐侶淺反土如字或又音杜

○陳侯如會

杜無傳陳本與楚楚敗懼而屬晉來不及盟故曰如會

○公朝于王

杜無傳王在踐土非京師故曰王所林書朝王始此先朝王而後盟是以天子與斯盟也書盟而後朝春

春秋不以天子與斯盟之辭也

○六月衛侯鄭自楚復歸于衛

杜復其位曰復

歸晉人感叔武之賢而復衛侯衛侯之入衛元咺出奔

由叔武故以國逆為文例在成十八年衛元咺出奔

晉杜元咺衛大夫雖為叔武訟訴失君臣之節故無賢文奔例在宣十年。咺况晚反。○陳侯款

卒杜無傳凡四同盟林○秋祀伯姬來杜無傳莊公女歸寧曰來○

公子遂如齊杜無傳聘也○冬公會晉侯齊侯宋公蔡侯鄭伯

陳子莒子邾人秦人于温杜陳共公稱子先君未葬例在九年宋襄公稱子自在本

班陳共公稱子降在鄭下陳陳公稱子而在鄭上傳無義例蓋主會所次非褒貶也○天王狩于

河陽杜晉地今河內有河陽縣晉實召王為其辭逆而意順故經以王狩為辭林晉侯召王以諸侯見是

先狩而后會也春秋先書會后書狩者書狩而后會是以天子與斯會也先書會后書狩春秋不以天子與私

會之辭也。狩
本又作守音同

壬申公朝于王所

杜壬申十月十日有日而無月史闕文

○晉人執衛侯歸之于京師

杜稱人以執罪及民也例在成十五年諸侯不得相

治故歸之京師衛元咺自晉復歸于衛

杜元咺與衛侯訟得勝而歸從國逆例者明衛

侯無道于民國人與元咺

○諸侯遂圍許

杜會溫諸侯也許比再會不至故因會共伐之

曹

伯襄復歸于曹

杜晉感侯孺之言而復曹伯故從國逆例

遂會諸侯圍許

杜言遂

得復而行不歸國也

傳二十八年春晉侯將伐曹假道于衛

杜曹在衛東故

衛人弗

許還自南河濟

杜從汲郡南渡自衛南而東

侵曹伐衛

林無鐘鼓曰侵有鐘鼓曰伐

正月戊申取五鹿

杜五鹿衛地

○二月晉卻縠卒原軫將中軍

胥臣佐下軍上德也

杜先軫以下軍佐超將中軍故曰上德胥臣司空季子。將子匠反

胥思徐反

晉侯齊侯盟于斂孟

杜斂孟衛地林齊侯以谷成之迫故從晉求援。斂徐音

廉又力檢反孟音于

衛侯請盟晉人弗許衛侯欲與楚國人不欲

故出其君以說于晉衛侯出居于襄牛

林晉文公怨其不禮又不假道

故不許衛盟衛人以其君欲從楚故逐出其君以自解說于晉杜襄牛衛地。說音悅或如字

○公子

買成衛

杜晉伐衛衛楚之昏姻魯欲與楚故成衛

楚人救衛不克公懼於晉

殺子叢以說焉

林楚欲救衛而不能魯見晉強楚弱故懼晉討杜召子叢而殺之以謝晉。說

悅音謂楚人曰不卒戍也

杜詐告楚人言子叢不終戍事而歸故殺之殺子叢在楚救衛

下經在上者救衛赴晚至

○晉侯圍曹門焉多死

林攻曹城門曹人多死

曹人

尸諸城上

杜磔晉死人于城上

晉侯患之聽輿人之謀曰稱舍于

墓

林晉文公患其搖動軍心聽衆人之計謀順衆心也杜輿衆也舍墓為將發冢。與音餘師遷焉

曹人兇懼

杜遷至曹人墓兇兇恐懼聲。兇凶勇反

為其所得者棺而出之

因其兇也而攻之

林為其所得晉人棺斂其尸而出之于外欲加禮于晉師以免發冢之禍

晉師因曹人之兇攻曹之城。棺古患反一音官

三月丙午入曹數之以其不

用僖負羈而乘軒者三百人也且曰獻狀

杜軒大夫車言其無德居

位者多故責其功
狀。軒許言反

令無入僖負羈之宮而免其族報施

也

杜報殮璧之施
施始豉反

魏犇顛頤怒曰勞之不圖報於何有

尚不圖謀何有于報人之微施。頤戶結反
藝僖負羈

氏

杜藝燒也
藝如悅反

魏犇傷於胸公欲殺之而愛其材使問

且視之病將殺之

杜文公欲討其違命而愛其有材力
使人責問魏犇且視其傷胸之病將

待其復命而殺之

魏犇束胸見使者曰以君之靈不有寧也

杜言

不以病故自安寧也。
見賢適反使所吏反

距躍三百曲踊三百

杜距躍起越
也曲踊跳

踊也百猶勵也林蓋距地向前超躍越物而過凡三次
勉勵而為之。距音巨躍羊略反三如字又息暫反百

音陌下
放此

乃舍之

林文公以其有禮乃赦不殺。舍如字又音捨下同。

殺顛頤以徇

于師立舟之僑以為戎右

杜舟之僑故號臣閔二年奔晉以代魏犢為先歸張本林

蓋救魏犢而黜其職。徇似俊反。

宋人使門尹般如晉師告急

杜門尹般宋大

夫林楚人猶未解圍故告急。般音班。

公曰宋人告急舍之則絕

杜與告楚

不許

杜告楚釋宋楚又不許蓋兵交使在其間此必晉嘗為宋請傳不備載。

我欲戰矣齊

秦未可若之何

林齊秦二國未肯助我與楚戰。

先軫曰使宋舍我而賂

齊秦

林設計使宋捨晉而以賂求救于齊秦。舍音捨。

藉之告楚

杜假借齊秦使為宋請。藉

在亦反

我執曹君而分曹衛之田以賜宋人

林欲以數怒楚師

楚

愛曹衛必不許也

杜不許齊秦之請

喜賂怒頑能無戰乎

杜言齊秦

喜得宋賂而怒楚之頑必自戰也不可告請故曰頑

公說執曹伯分曹衛之田以

界宋人

林盡如先軫之計說音悅界必利反

楚子入居于申

杜申在方城內故曰

入使申叔去穀

二十六年中叔成穀

使子玉去宋

林二十七國中使撤圍

而曰無從晉師

林言無得從晉師與之爭戰

晉侯在外十九年矣而

果得晉國

杜晉侯生十七年而止亡十九年而反凡三十六年至此四十矣

險阻艱難

備嘗之矣民之情偽盡知之矣天假之年

林難險備嘗則志慮堅情

偽盡知則見識明杜獻公之子九人唯文公在故曰天假之年

而除其害

杜除患懷呂卻天之

所置其可廢乎軍志曰允當則歸

杜軍志兵書杜引此蓋謂齊秦既為宋請

則赦宋而歸可謂允當無求過分。當丁浪反。

又曰知難而退又曰有德不可

敵

林蓋謂晉師武臣力難以勝之可以退也晉侯備嘗難險盡知情偽為有德不可與之敵也。

此三

志者晉之謂矣

杜謂今與晉遇當用此三志。

子玉使伯芬請戰

林伯芬子

越椒也鬬伯比之孫請戰于楚成王求益師與晉戰也。芬扶云反又扶松反。

曰非敢必有功

也願以間執讒慝之口

杜間執猶塞也讒慝若為賈之言謂子玉不能以三百乘入。

間間廁之間

王怒

林楚成王怒其不肯去宋而請兵以戰。

少與之師唯西

廣東宮與若敖之六卒實從之

杜楚子還申遣此兵以就前圍宋之衆楚有左

右廣又大子有宮甲分取以給之若救楚武王之祖父葬若救者子玉之祖也六卒子玉宗人之兵六百人言不悉師以益之。廣

子玉使宛春告於晉師曰請復衛

古曠反卒子忽反

侯而封曹臣亦釋宋之圍

林宛春楚大夫杜衛侯未出竟曹伯見執在宋已失位故

言復衛封曹。宛子元反又于阮反

子犯曰子玉無禮哉君取一臣取二

杜君取一以釋宋圍惠晉侯臣取二復曹衛為己功

不可失矣

林言可伐其罪勿失此機會矣

先

軫曰子與之定人之謂禮楚一言而定三國我一言而

亡之我則無禮何以戰乎不許楚言是弃宋也救而弃

之謂諸侯何

林先軫以子犯之言為不然故曰子許之言安定人國謂之有禮子玉一言而復衛

封曹釋宋是安三國晉不許楚則晉亡曹衛楚亦亡宋是亡三國我則無禮可以安定三國何以為戰之本乎不許楚復曹衛之言是棄宋不欲楚解圍而去救宋而反棄之將為諸侯所怪楚有三施我有

三怨怨讐已多將何以戰不如私許復曹衛以攜之

此林

下乃先軫畫策杜私許二國使告絕于楚而後復之攜離也。施始豉反執宛春以怒楚既戰而後圖之杜須勝負決乃定計公說乃拘宛春於衛且私許復

曹衛曹衛告絕於楚子玉怒從晉師

林從晉師求戰也說音悅拘音俱

晉師退軍吏曰以君辟臣辱也且楚師老矣何故退

以林

晉君而避子玉故曰以君辟臣且楚師連年在外疲敝已極何故退師避之

子犯曰師直為

壯曲為老豈在久乎

林凡用師之道理直為強壯理曲為衰老豈以久出為老乎

微

楚之惠不及此

林重耳過楚楚成王有贈送之惠

退三舍辟之所以報

也

杜一舍三十里初楚子云若反國何以報我故以退三舍為報

背惠食言以亢其讐

杜亢猶當也讐謂楚也林背楚之惠而自食其避楚之言以當楚人之讐怨。背音佩下同亢苦浪反

我

曲楚直其衆素飽不可謂老

杜直氣盈飽

我退而楚還我將

何求若其不還君退臣犯曲在彼矣退三舍楚衆欲止

子玉不可夏四月戊辰晉侯宋公齊國歸父崔夭秦小

子慙次于城濮

杜國歸父崔夭齊大夫也小子慙秦穆公子也城濮衛地林師過信為次。天

於表杜鄰丘陵險阻名杜蓋楚從晉師
反 楚師背鄙而舍舍止之地其背負險此所謂君退

臣犯也。
鄙戶圭反。晉侯患之聽與人之誦杜恐衆畏險故聽其歌誦曰原田

每每舍其舊而新是謀杜高平曰原喻晉君美盛若原田之草每每然可以謀立新功不

足念舊患。每亡回杜疑衆謂已背舊謀子犯曰戰也戰

而捷必得諸侯若其不捷表裏山河必無害也杜晉國外河而內

山公曰若楚惠何欒貞子曰漢陽諸姬楚實盡之杜貞子藥枝

也水北曰陽姬姓之國林思小惠而忘大恥不如戰也思林

楚贈送之小惠而忘其滅諸姬之林晉侯夢與楚子搏杜搏

大恥不如與楚一戰以決勝負

左傳杜林合注

手搏。楚子伏已而監其腦。杜監噍也。林夢搏時楚子伏晉侯之上而以口噍其

腦也。監音古。腦乃老反。是以懼子犯曰吉我得天楚伏其罪吾且

柔之矣。杜晉侯上向故得天楚子下向地故伏其罪子腦所以柔物子犯審見事宜故權言以答夢

玉使鬬勃請戰。杜鬬勃楚大夫曰請與君之士戲。林以戰為戲可見子玉輕

用民命君馮軾而觀之得臣與寓目焉。林得臣子玉名杜寓寄也。馮皮冰

反軾音式與音預寓音遇晉侯使欒枝對曰寡君聞命矣楚君之惠

未之敢忘是以此為大夫退其敢當君乎。林言晉君聞楚欲戰

之命矣楚君昔日贈送之惠中心未敢弭忘是以未敢決戰遲回在此大夫謂子玉言為子玉退三舍其何敢

輒與君敵乎杜既不獲命矣杜敢煩大夫謂二三子杜

杜煩闕勅命戒勅杜戒爾車乘敬爾君事詰朝將見杜朝平

杜林言平旦將以軍禮見。乘繩證反下杜晉車七百乘杜

鞬鞞鞅鞞杜五萬二千五百人在背曰鞞在胸曰鞞在杜

杜皮曰鞞軸曰鞞頭皮曰鞞繫曰鞞。鞞許見反王杜晉侯杜

又去見反說文作鞞鞞以忍反鞞於杖反鞞音半杜登有莘之虛以觀師曰少長有禮其可用也杜國名少長

猶言大小林登高以觀晉師之強弱少者在前長者在前杜

後如軍禮也。莘所中反虛丘魚反少詩照反長丁丈杜遂伐其木以益其兵杜具與曳柴亦是也杜已巳晉師

陳于莘北胥臣以下軍之佐當陳蔡子玉以若敖之六

卒將中軍曰今日必無晉矣子西將左子上將右北林即

城濮胥臣佐下軍自以其軍當陳人蔡人子玉以其宗

人之兵六百人為親兵自衛以將中軍子玉自誇其強

言今日必盡滅晉師杜子西鬪宜申子上鬪勃

陳直覲反卒子忽反下同將于匠反下同 胥臣蒙

馬以虎皮先犯陳蔡杜馬見虎則伏胥臣以虎皮 陳蔡

奔楚右師潰杜陳蔡屬楚右 狐毛設二旆而退之杜杜

也又建二旆而退使若 欒枝使輿曳柴而偽遁杜起

大將稍却○旆薄具反 欒枝使輿曳柴而偽遁杜起

為東走○ 楚師馳之杜楚師見二旆先退曳柴塵起

遁徒困反 楚師馳之杜楚師見二旆先退曳柴塵起

以為晉師已走故馳而逐之 原

軫卻溱以中軍公族橫擊之

林原軫即先軫杜公族公所率之軍狐毛狐

偃以上軍夾攻子西楚左師潰楚師敗績子玉收其卒

而止故不敗

杜三軍唯中軍完是大崩。夾古洽反又音頰

晉師三日館穀

杜館舍也食楚軍穀三日

及癸酉而還甲午至于衡雍作王宮于踐

土

杜衡雍鄭地今滎陽卷縣襄王聞晉戰勝自往勞之故為作宮。雍於用反

鄉役之三月

杜鄉猶屬也城濮役之前三月。鄉許亮反又作卿同

鄭伯如楚致其師為楚師既

敗而懼使子人九行成于晉

杜子人氏九名林行成求服也。為于偽反

晉

欒枝入盟鄭伯五月丙午晉侯及鄭伯盟于衡雍丁未

獻楚俘于王駟介百乘徒兵千

杜駟介四馬被甲徒兵步卒。駟音四介音界

鄭伯傳王用平禮也

杜傳相也以周平王享晉文侯仇之禮享晉侯

已酉王享

醴命晉侯宥

杜既享又命晉侯助以束帛以將厚意

王命尹氏及王子虎

內史叔興父策命晉侯為侯伯

杜以策書命晉侯為伯也周禮九命作伯尹氏

王子虎晉王卿士也叔興父大夫也三官命之以寵晉

賜之大輅之服戎輅之服

林大輅金輅也祭祀所乘其服驚冕戎輅戎車也兵事所乘其服韋弁。輅音路

彤弓一彤矢

百旅弓矢千

杜彤赤弓旅黑弓弓一矢百則矢千弓十矣諸侯賜弓矢然後專征伐。彤徒冬反

旅音廬本或作旅字非也矢千本或作旅弓十旅矢千後人專輒加也

柅鬯一卣

杜柅黑黍鬯香酒

所以降神百器名。桓音巨豐勅亮。虎賁三百人。林周禮虎

賁氏以虎士三百人先後王而趨侯伯始受此賜。賁音奔。曰王謂叔父敬服王命。

以綏四國糾逖王慝。林晉與周同姓故稱曰叔父敬謹佩服王室之休命以撫綏四方諸

侯之國杜逖遠也有惡於王者糾而遠之。逖勅歷反慝也得反。晉侯三辭從命曰重

耳敢再拜稽首奉揚天子之不顯休命。杜稽首首至地不大地休美也

。三息暫反又如字。丕音悲反休許糾反。受策以出出入三覲。杜出入猶去來也從來至

去凡三見王。衛侯聞楚師敗懼出奔楚遂適陳。杜自裏牛出使元咺

奉叔武以受盟。林元咺衛大夫叔武衛侯弟杜奉使攝君事癸亥王子虎盟

諸侯于王庭

杜踐王宮之庭書踐上別於京師

要言曰昔獎王室無相害

也有渝此盟明神殛之俾隊其師無克祚國

林載書要約之言使

諸侯同心獎助王室無得私相侵害有敢渝變今日盟誓之言則明神共誅殛之使隕墜其師衆無能世祚其

國家。獎將文反渝羊朱反殛紀力反本又作極下是殛同俾本亦作卑必爾反隊直類反祚才故反及

其玄孫無有老幼

林曾孫之子曰玄孫自玄孫而下無問老幼俱受變盟之禍

君子謂

是盟也信

杜合義信

謂晉於是役也能以德攻

杜以文德教氏而後用之

○攻如字一音公送反

○初楚子玉自為瓊弁玉纓未之服也

杜弁

以鹿子皮為之瓊美玉之别名次之以飾弁及纓詩云會弁如星林纓所以結於頤下而垂者。瓊求營反說

文云赤玉弁本
又作玳皮彥反

先戰夢河神謂已曰畀余

林光城濮未戰時子玉自

夢有河之神謂已言以弁纓與我。
先如字又悉薦反弁必利反與也。

余賜女孟諸之麋

杜孟諸宋藪澤水草之交曰麋林蓋神言以宋之地利送子玉。女音汝麋止皮反。

弗致也大心

與子西使榮黃諫

杜大心子玉之子子西子玉之族子玉剛愎故因榮黃榮黃榮季也林諫

子玉使以弁纓請于河神

弗聽榮季曰死而利國猶或為之况瓊玉

乎是糞土也而可以濟師將何愛焉

林言死而可以利國家志臣義士猶

或肯為之况瓊弁玉纓之屬乎不過糞土之類爾言其不足愛也杜因神之欲以附百姓之願濟師之理。糞

弗問反

弗聽出告二子曰非神敗令尹令尹其不勤民實

自敗也

杜盡心盡力無所愛惜為勤林蓋禱河本無預于戰而足以繫屬民心今子玉吝惜瓊玉不為

民禱戰是無勤民之心實自取禍敗

既敗王使謂之曰大夫若入其若申

息之老何

杜申息二邑子弟皆從子玉而死言何以見其父老

子西孫伯曰得臣

將死二臣止之曰君其將以為戮

杜孫伯即天心子玉子也二子以此答王

使言欲令子玉往就君戮

及連穀而死

杜至連穀王無赦會故自殺也文十年傳曰城濮之役王

使止子玉曰無死不及子西亦自殺縊而縣絕故得不死王時別遣追前使連穀楚地殺得臣經在踐土盟上

傳在下者說晉事畢而次及楚屬文之宜。穀胡木反

晉侯聞之而後喜可知也

杜喜見于顏色

曰莫余毒也已為呂臣實為令尹奉已而已不

在民矣

林言子玉既死莫有為我之毒害也已為呂臣即叔伯代子玉為令尹但能奉已苟幸無過而

已杜言其自守無大志

○或訴元咺於衛侯曰立叔武矣其子角

從公公使殺之

林訴猶諧也而有緩急之異語曰浸潤之諧膚受之愆是諧如水之潤物以漸

而入訴如風寒之襲人以暴而至此言訴蓋暴至也杜角元咺子。從才用反又如字

咺不廢命

奉夷叔以入守

林咺不敢以子殺之故廢衛侯之命奉夷叔以入衛守國夷叔即叔武杜夷謚

。守手又反

六月晉人復衛侯

杜以叔武受盟于踐土故聽衛侯歸

甯武子與

衛人盟于宛濮

杜武子甯俞也陳留長垣縣西南有宛亭近濮水。宛於阮反

曰天禍

衛國君臣不協以及此憂也

杜衛侯欲與楚國人不欲故不和也

今天誘

其衷

杜衷中也林上天悔禍而誘掖衛人
之中心。衷音忠或丁仲反下同

使皆降心以

相從也不有居者誰守社稷不有行者誰扞牧圉

杜牛曰牧

馬曰圉。扞戶旦反牧音目

不協之故

林恐居者行者不和協相安之故

用昭乞盟

于爾大神以誘天衷

林以誘掖中心之天理

自今日以往既盟之

後行者無保其力居者無懼其罪有渝此盟以相及也

明神先君是糾是殛

林凡從君出行者無保恃其宣效勞力凡在國不出者無恐懼其遭

罹罪戾苟有渝變此盟誓以惡相及司盟之國人聞此

盟也而後不貳

林然後各安其所無有二心杜傳言叔武之賢甯俞之忠衛侯所以書復歸

衛侯先期入

杜不信叔武先悉薦反

甯子先長牂守門以為使也

與之乘而入

杜甯子患公之欲速故先入欲安喻國人林長牂衛大夫時為衛守門以甯子為成

公使衛兵載而入國。牂子即反使所吏反

公子歆犬華仲前驅

杜衛侯遂驅掩甯子未

備二子衛大夫。歆市專反華戶化反又如字

叔武將沐聞君至喜捉髮走出

前驅射而殺之公知其無罪也枕之股而哭之

杜公以叔武尸

枕其股。射食亦反枕支鳩反

歆犬走出

杜手射叔武故

公使殺之元咺出奔

晉

杜元咺以衛侯驅入殺叔武故至晉愆之

○城濮之戰晉中軍風于澤

杜牛

馬因風而走皆失之。牛馬牝牡相誇曰風

亡大旆之左旂

杜大旆旗名繫旒曰旆通帛曰

旃。旃。旃。然。反。爾。
雅云。因。章。曰。旃。

祁。瞞。奸。命。

杜掌此二事而不修為奸軍令。瞞莫干反奸音干。

司馬殺之以徇于諸侯使茅蔑代之師還壬午濟河舟

之僑先歸

林舟之僑為戎右棄其職而先歸。後扶廢反僑其驕反。

士會攝右

杜權代舟之

僑也士會隨武子士為之孫

秋七月丙申振旅愷以入于晉

林入曰振旅整

行列也長者在前少者在後殿師之義也軍樂曰愷師出有功則愷歌入國以獻于社。愷開在反。

獻俘

授臧飲至大賞

杜獻楚俘於廟林授數也數所截耳臧。臧古獲反。

徵會討貳

杜徵

召諸侯將冬會于溫林討諸侯之有二心者

殺舟之僑以徇于國民於是大

服君子謂文公其能刑矣三罪而民服

杜三罪顛頤祁瞞舟之僑詩

云惠此中國以綏四方不失賞刑之謂也

杜詩大雅言賞刑不失則

中國受惠四方安靖

○冬會於溫討不服也

杜討衛許

衛侯與元咺訟

杜爭殺叔武事

甯武子為輔鍼莊子為坐士榮為大士

杜大士治微官也

周禮命夫命婦不躬坐獄訟元咺又不宜與其君對坐故使鍼莊子為坐人使衛之忠臣及其獄官賈正元咺傳曰王叔之宰與伯與之大夫坐獄於王庭各不身親蓋今長吏有罪先驗吏卒之義。鍼其廉反坐如字或

音才

衛侯不勝

杜三子辭屈

殺士榮則鍼莊子謂甯俞忠而免

之執衛侯歸之于京師寘諸深室

林斷足曰刑杜深室別為囚室。刑音月

又五割反寘之歧反

甯子職納橐餽焉

杜甯俞以君在幽隲故親以衣食為已職橐衣囊餽廩

也言其忠至所慮者深
○索音託續之然反

元咺歸于衛立公子瑕

杜瑕衛公子適

也 是會也晉侯召王以諸侯見且使王狩

杜晉侯大合諸侯而欲尊

事天子以為名義自嫌強大不敢朝周喻王出狩
因得盡羣臣之禮音諱而不正之事○見賢適反

仲尼

曰以臣召君不可以訓故書曰天王狩于河陽言非其

地也

杜使若天王自狩以失地故書河陽實以屬晉非王狩地

且明德也

杜隱

其召君之闕欲以明晉之功德河陽之狩趙盾之弑泄治之罪皆違凡變例以起大義危疑之理故特稱仲尼

之明 壬申公朝于王所

杜執衛侯經在朝王下傳在上者告執晚

○丁丑諸侯

圍許

杜十月十五日有日無月

晉侯有疾曹伯之豎侯孺貨筮史

杜豎

掌通內外者林曹共公之小臣姓侯使曰以曹為解以杜

名儒納貨賂于晉大史之掌卜筮者齊桓公為會而封異姓杜封刑衛今君為

滅曹為解故。解戶賈反又古買反齊桓公為會而封異姓杜叔振鐸曹始封君

會而滅同姓曹叔振鐸文之昭也杜叔振鐸曹始封君

反先君康叔武之穆也且合諸侯而滅兄弟非禮也曹林

與晉為兄弟之國而晉滅之非盟主之禮也與衛偕命杜私許復曹衛而不與偕復

非信也林已復衛侯而曹不與衛同罪異罰非刑也曹林

衛者有不禮從楚之罪而禮以行義信以守禮刑以正衛復曹否非罰罪之刑也

邪舍此三者君將若之何公說復曹伯遂會諸侯圍許

○邪似嗟反舍
音捨說音悅

○晉侯作三行以禦狄荀林父將中行

屠擊將右行先蔑將左行

杜晉置上中下三軍今復增置三行以辟天子六軍之名三行無

佐疑大夫帥○行尹郎反將子匠反
屠音徒擊古狄反一音計蔑亡結反

左傳杜林合注卷十三

欽定四庫全書

左傳杜林合注卷十四 明 王道焜

趙如源 同編

僖公六

經

庚寅

二十有九年春介葛盧來

杜介東夷國也在城陽縣郚縣葛盧介君名也

不稱朝不見公且不能行朝禮雖不見公國賓禮之故書。介音戒

公至自圍許

杜無傳

○夏

六月會王人晉人宋人齊人陳人蔡人秦人盟於翟泉

杜翟泉在洛陽城內大倉西南池水也魯侯諱盟天子大夫諸侯大夫又違禮盟公侯王子虎違禮下盟故不

言公會又皆稱人。程直歷反。

○秋大雨雹

雨十付反傳同雹蒲學反

○冬介葛盧

來

傳二十九年春介葛盧來朝舍於昌衍之上

杜魯縣東南有昌平

城。衍以善反

公在會

林時公會圓許未返國

饋之芻米禮也

杜嫌公行不富致饋故

曰禮也。饋其媿反芻初俱反

○夏公會王子虎晉狐偃宋公孫固齊

國歸父陳轅濤塗秦小子憇盟於翟泉尋踐土之盟且

謀伐鄭也

杜經書蔡人而傳無名氏即微者秦小子憇在蔡下者若宋向戌之後會。轅音袁濤音

桃憇魚親反

卿不書罪之也

杜晉侯始霸冀戴天子諸侯輯睦王室無虞而王子虎下盟列

國以瀆大典諸侯大夫上敵公侯
虧禮傷教故貶諸大夫諱公與盟
在禮卿不會公侯會

伯子男可也

林在會盟之禮公侯爵尊卿不敢敵之會盟大國之卿當小國之君故可以會伯子

男諸卿之見貶亦兼有此闕故傳重發之○秋大雨雹為災也
林周之秋今之五六月

也故為災○冬介葛盧來以未見公故復來朝禮之加燕好

杜燕燕禮也好好貨也一歲再來故加之。復扶又反好呼報反介葛盧聞牛鳴曰是

生三犧皆用之矣其音云問之而信
林葛盧能識其聲曰是牛已生三犢

皆為犧用之宗廟之祭矣其聲如此試問之牧人果然傳言人聽或通鳥獸之情。犧許宜反

經平三十年春王正月○夏狄侵齊○秋衛殺其大夫

元咺及公子瑕

杜咺見殺稱名者訟君求直又先歸立公子瑕非國人所與罪之也瑕立經年

未會諸侯故不稱君

衛侯鄭歸於衛

杜魯為之請故從諸侯納之例例在成十八年

○晉

人秦人圍鄭

杜晉軍函陵秦軍汜南各使徵者圍鄭故稱人林於是秦伯私與鄭盟成鄭而去之

秦晉之怨自此始

○介人侵蕭

杜無傳林蕭宋附庸國

○冬天王使宰周

公來聘

杜周公天子三公兼冢宰也

公子遂如京師遂如晉

杜如京師報宰周公

林魯始聘周聘晉

傳三十年春晉人侵鄭以觀其可攻與否狄聞晉之有

鄭虞也夏狄侵齊

林狄以晉有鄭之憂乃乘其間陳杜齊晉與國。間間廁之間

○晉

侯使醫衍酖衛侯

杜衍醫名晉侯實怨衛侯欲殺而罪不及死故使醫因治疾而加酖毒。衍

以善反
酖音鴆

甯俞貨醫使溥其酖不死

杜甯俞視衛侯衣食故得知之

公為

之請納玉於王與晉侯皆十穀王許之

杜雙玉曰穀公本與衛同好故

為之請。為于
偽反穀音角

秋乃釋衛侯○衛侯使賂周欵治厯曰

苟能納我吾使爾為卿

杜恐元咺距已故賂周治。欵市專反治音也厯音覲又音護

人名也漢書音義云
古勤字也鄭氏音勤

周治殺元咺及子適子儀

林子適即公子

瑕杜子儀瑕毋弟不書
殺賤也○過丁歷反

公入祀先君周治既服將命

杜服

卿服將入
廟受命

周欵先入及門遇疾而死

杜及廟門忽

治厯

辭卿

社見周欽
死而懼

○九月甲午晉侯秦伯圍鄭以其無禮

於晉

社文公亡過鄭
鄭不禮之

且貳於楚也晉軍函陵秦軍汜南

社此

東汜也在滎
陽中牟縣南

佚之狐言於鄭伯曰國危矣若使燭之武

見秦君師必退

社佚之狐燭之武皆
鄭大夫口佚音逸

公從之辭曰臣之

壯也猶不如人今老矣無能為也已

社蓋怨其不用而
卑辭以拒之也

公曰吾不能早用子今急而求子是寡人之過也然鄭

已子亦不利焉

社若鄭國為晉秦所滅則子之
宗族家室亦有所不免於害

許之

夜縋而出

社縋縣城而下
縋丈縋反

見秦伯曰秦晉圍鄭鄭既知

亡矣若亡鄭而有益於君敢以煩執事

杜執事亦謂秦

越國以

鄙遠君知其難也

林鄭在東秦在西晉居其間杜設得鄭以為秦邊邑則越晉而難保

焉

用亡鄭以陪鄰

林安用滅鄭而以其土地陪益鄰國鄰謂晉也。焉於度反下焉取之同陪蒲

反鄰之厚君之薄也若舍鄭以為東道主行李之往來

共其乏困

林鄭在東故言東道主行李使人也之闕也困德也言供其舍館資量之闕乏。舍音捨

又如字共音泰本亦作供

君亦無所害且君嘗為晉君賜矣許君焦

瑕朝濟而夕設版焉君之所知也

杜晉君謂惠公也焦瑕晉河外五城之二

邑朝濟河而夕設版築以距秦言背秦之遠。朝如字版音板

夫晉何厭之有既東封

鄭又欲肆其西封

杜封疆也肆申也林既滅鄭以其土地為東方封疆之界又欲申廣其西

方之封土。厭於鹽反。

若不闕秦將焉取之闕秦以利晉唯君圖

林闕猶削也若不削小秦之土地將安所從取之言晉強必為秦害

秦伯說與鄭人

盟使杞子逢孫揚孫戍之乃還

杜三子秦大夫反為鄭守。說音悅

子犯

請擊之公曰不可微夫人之力不及此

杜請擊秦也夫人謂秦穆公

夫音扶 因人之力而敵之不仁失其所與不知

林秦不同心而與之

此事是失也知音智

以亂易整不武

杜秦晉和整而還相攻更為亂也

吾其還

也亦去之○初鄭公子蘭出犇晉

杜蘭鄭穆公

從於晉侯伐鄭

請無與圍鄭

林蘭自以鄭為宗國請於晉文公不與於圍鄭之役。與音預。

許之使待

命于東

杜晉東界

鄭石甲父侯宣多逆以為大子以求成于

晉晉人許之

杜二子鄭大夫言穆公所以立

○冬王使周公閱來聘饗

林天子之三公也名閱來聘

魯僖公為設享禮。閱音悅。有昌歆白黑形鹽

杜昌歆昌蒲菹

白熬稻黑熬黍形鹽鹽形象虎。歆在感反。

辭林宰閱辭禮

曰國君文足昭也武

可畏也則有備物之享以象其德薦五味羞嘉穀鹽虎

形

杜嘉穀熬稻黍也以象其文也鹽虎形以象武也

以獻其功吾何以堪之○

東門襄仲將聘于周遂初聘于晉

林東門襄仲即公子遂杜公既命襄仲聘周

未行故曰將又命自周聘晉故曰
遂自入春秋魯始聘晉故曰初

經壬辰三十有一年春取濟西田

杜晉分曹田以賜魯故不
繫曹不用師徒故曰取

○公子遂如晉○夏四月四卜郊不從乃免牲

杜龜曰
卜不從

不吉也卜郊不吉故免牲免猶縱也林諸侯之有郊禘
東周之僭禮也魯之郊禘惠公請之猶未率以為常僖
公始作頌以誇其盛於是四卜
不從猶三望故特書以示譏 猶三望 杜三望分野之星
國中山川皆因

郊祀望而祭之魯廢郊天而修
其小祀故曰猶猶者可止之辭

○秋七月○冬杞伯姬

來求婦

杜無傳自為
其子成昏

○秋圍衛十有二月衛遷于帝丘

杜辟

狄難也帝丘今東郡濮陽縣
故帝顓頊之墟故曰帝丘

傳三十一年春取濟西田分曹地也

杜二十八年晉文討曹分其地竟界未

定至是乃

使臧文仲往

林魯使臧文仲往晉受地

宿于重館

杜高平方與縣

西北有重鄉城○重直龍反

重館人告曰晉新得諸侯必親其共不

速行將無及也

林言晉文公新得諸侯為伯必親臆其恭順有禮之人文仲若不速行則先至

者受地已盡後至者將無及於事

從之分曹地自洮以南東傳于濟盡

曹地也

杜文仲不書請田而已非聘享會同也濟水自滎陽東過魯之西至樂安入海○洮吐乃反傳

音附盡津忍反

襄仲如晉拜曹田也○夏四月四卜郊不從乃

免牲非禮也

杜諸侯不得郊天魯以周公故得用天子禮樂故郊為魯常祀林左氏以郊為魯之

常祀故以不郊免牲為非禮其說未得猶三望亦非禮

也林左氏亦以廢郊而望為非禮不下常祀林常祀不下必以其時而下其牲

日杜下牲與牛卜日曰牲杜既得吉日則牲成而下郊上

急慢也林蓋卜牛在下日之前今經書免牲則是既得吉日改牛名牲與方復卜郊之可否是上之人

慢急於古典而望郊之細也林望祭山川郊禮之細微者也不郊亦無望

可也○秋晉蒐于清原杜二十八年晉作三行今罷之

更為上下新軍河東趙衰為卿杜二十七年命趙衰為卿

夫為新聞喜縣北有清原趙衰為卿謀於樂枝今始從原大

軍帥○冬狄圍衛衛遷于帝丘卜曰三百年林灼龜曰卜言

都帝丘有三百年之安杜相夏后啓之孫居帝丘衛成公夢康叔曰相奪予享

享祭也。日音越或人實反相息亮反下同公命祀相甯武子不可曰鬼神

非其族類不歆其祀杜歆猶饗也。歆許金反祀鄩何事杜言祀鄩夏後自當

祀相相之不享於此久矣非衛之罪也杜言帝丘久不祀相非衛所絕不

可以間成王周公之命祀林成王周公封建諸侯諸侯以受命各有常祀不可以間

其祀命。間請改祀命杜改祀相之命○鄭洩駕惡公子瑕鄭

伯亦惡之故公子瑕出奔楚杜瑕文公子傳為納瑕張本洩駕亦鄭大夫隱五年

洩駕距此九十年疑非一人。惡鳥路反下同

經癸巳三十有二年春王正月○夏四月己丑鄭伯捷卒

杜無傳文公也三同盟林文公卒穆公蘭立○捷在妾反○衛人侵狄杜報前年狄圍衛○秋

衛人及狄盟杜不地者就狄廬帳盟○冬十有二月己卯晉侯重耳

卒

杜同盟踐王程泉林晉文公卒子襄公驪立晉襄公繼伯

傳三十二年春楚鬬章請平于晉杜楚自城濮與晉不平至是請平晉

陽處父報之晉楚始通杜陽處父晉大夫晉楚自春秋以來始交使命為和同○

夏狄有亂衛人侵狄狄請平焉秋衛人及狄盟○冬晉

文公卒庚辰將殯于曲沃杜殯窆棺也曲沃有舊宮焉出絳杜絳晉都柩

有聲如牛

杜如牛响聲。樞其救反。禮云在牀曰尸在棺曰樞。

卜偃使大夫拜曰

君命大事將有西師過軼我擊之必大捷焉

杜聲自樞出故曰君

命大事戎事也卜偃聞秦密謀故因樞聲以正衷心林秦居西方故言將有西師。過古未反又古卧反軼直

無反又音逸

杞子自鄭使告于秦

杜三十年秦使大夫杞子戍鄭

曰鄭人使

我掌其北門之管

杜管齋也

若潛師以來國可得也穆公訪

諸蹇叔蹇叔曰勞師以襲遠非所聞也

杜蹇叔秦大夫林勞頓兵師以

掩襲遠方之國我未聞其能濟事也。蹇紀鞏反

師勞力竭遠主備之無乃不

可乎師知所為鄭必知之勤而無所必有悖心

林兵師勞苦其

力必盡遠方之主必知而為之備言不可以得鄭也秦

師既知其所欲為之事鄭國必得而知之秦兵勤勞而

無所得必生悖戾之心且行千里其誰不知林自秦至

害及良善。悖必內反鄭師行千

里遠涉傳播其誰不知師之所為杜辭不受其言公辭焉杜辭不受其言名孟明西乞白乙使

出師於東門之外杜孟明百里孟明視西蹇叔哭之曰

孟子杜呼孟明而告之。孟子本或作孟兮吾見師之出而不見其入也

公使謂之曰爾何知中壽爾墓之木拱矣杜合手曰拱言其過老悖

不可用林人生上壽百二十年中壽百年下壽八十年

毀之以為汝但中壽汝墓之木已拱死將至矣。壽音

拱又如字反蹇叔之子與師哭而送之曰晉人禦師必於

穀

社穀在弘農澠池縣西林穀即今之函谷關。穀本又作峭戶文反劉昌宗音豪

穀有二陵

焉

杜大臯曰陵

其南陵夏后臯之墓也

杜臯夏桀之祖父。夏戶雅反臯古刀反

其

北陵文王之所辟風雨也

杜此道在二穀之間南谷中谷深委曲兩山相嶽故可以辟

風雨古道由此魏武帝西討巴漢惡其險而更開北山高道。辟音避

必死是間

杜以其深險故

余收爾骨焉秦師遂東

林鄭在秦東故秦師東行杜為明年晉敗秦于穀傳

經

甲午

三十有三年春王二月秦人入滑

林滑姬姓國滅而書入不能有

其地

○齊侯使國歸父來聘○夏四月辛巳晉人及姜戎

敗秦師于穀

杜晉侯諱晉喪用兵故通以賤者告姜戎姜姓之戎居晉南鄙戎子駒支之先也晉

人角之諸戎將之不同陳政言及林晉秦七
十二年之爭始於穀而終於十三國之伐
○癸巳葬

晉文公○狄侵齊○公伐邾取訾婁
○訾子
○狄公子

遂帥師伐邾○晉人敗狄于箕
杜大原陽邑孫南有箕城邾缺稱人者未為邾

○冬十月公如齊○十有二月公至自齊○乙巳公薨

于小寢
杜小寢內寢也乙巳十一月十二日經書十二月誤
○隕霜不殺草李梅

實
杜無傳書時失也周十一月今九月霜當散而重而不能殺草所以為災○隕于敏反
○晉人

陳人鄭人伐許

傳三十三年春秦師過周北門左右免胄而下
杜王城之北門

曹攬蓋兵車非大將御者在中
超乘者三百乘謂超上

車而乘之蓋左右免曹而下超
乘而上欲其速也。乘繩證反
王孫滿尚幼觀之言于

王曰秦師輕而無禮必敗
杜謂過天子門不卷甲束兵
超乘亦勇。輕遣政反下同

輕則寡謀無禮則脫林輕狂則謀慮必然寡少無禮則待
敵必然踈脫杜脫易也。脫他活反

入險而脫又不能謀能無敗乎
林入險地而踈脫又無
深謀遠慮能不為人所

敗乎及滑鄭商人弦高將市於周遇之以乘韋先牛十二

犒師林商行賈也弦姓高名將市易於周道遇秦師乘
四也韋熟革也古者將獻遺於人必有以先之皆

以輕先重此鄭商將獻牛於秦故
以四韋先。先悉薦反犒苦報反
曰寡君聞吾子將步

師出於敝邑敢犒從者不腆敝邑為從者之淹居則

具一日之積行則備一夕之衛

林言知孟明將行師出於鄭國敢以十二牛犒

勞秦之從者敝邑不甚富厚但為秦從者淹久在外之故若秦師尚留居鄭則為秦具一日芻米薪菜之積若秦師徑行過鄭則為秦備一夕捍禦外侮之衛。步猶行也從才用反下同腆他典反為于偽反下同積子賜

反

且使遽告于鄭

林遽傳車猶今之驛遞也告鄭使為備。遽其據反

鄭穆公使

視客館

林鄭得商人之報使人視秦杞子等三大夫成鄭之館舍

則束載厲兵秣馬

矣

杜嚴兵待秦師。林音末穀馬也說文作秣云食馬穀也

使皇武子辭焉

林鄭穆公乃使

大夫皇武子辭秦大夫成鄭者使去

曰吾子淹久於敝邑唯是脯資餼

牽竭矣

杜資糧也。生曰：餽，牽謂牛羊豕。餽，許氣反。牲，腥曰餽。牲，生曰牽。

為吾子之將

行也

杜示知其情

鄭之有原圃猶秦之有具囿也

杜原圃，具囿皆圃名。圃

布古反

吾子取其康鹿以閒敵邑若何

杜使秦成自取康鹿以為行資，命敵

邑得閒暇若何猶如何。榮陽中牟縣。西有圃田澤。康，止悲反。閒音閑。

杞子奔齊逢孫楊

孫奔宋

林杞子即秦大夫成鄭而掌鄭人北門之管者。知謀泄故奔齊。二子亦秦大夫與杞子同成者。

同謀不濟不敢歸秦故亦奔宋

孟明日鄭有備矣不可冀也

林不可冀望其國

攻之不克圍之不繼

林攻而伐之則有備不可必勝。環而圍之則兵少莫有後繼。

吾

其還也滅滑而還

林此蹇叔所謂勤而無所必有悖心者也。

○齊國莊子來

聘

林即國
歸父

自郊勞至于贈賄禮成而加之以敏

杜迎來
曰郊勞

送去曰贈賄敏審當於事
勞力報反賄呼罪反

臧文仲言於公曰國子為政

齊猶有禮君其朝焉臣聞之服於有禮社稷之衛也

杜為

公如
齊傳

○晉原軫曰秦違蹇叔而以貪勤民天奉我也

杜奉

與也林秦違彙蹇叔之忠諫而以貪於得鄭勤勞
其民是天與我以勝秦之機會○奉扶用反下同

奉不

可失敵不可縱縱敵患生違天不祥必伐秦師藥枝曰

未報秦施而伐其師其為死君子

杜言以君死政忘秦施
縱子用反施始歧

同反下

先軫曰秦不哀吾喪而伐吾同姓秦則無禮何施

之為

杜言秦以無禮加已施不足顧

吾聞之一日縱敵數世之患也謀

及子孫可謂死君乎

杜言不可謂背君。數所主反

遂發命遽興姜戎

林以傳車起姜戎之兵欲速也

子墨衰經

林晉文公未葬故襄公稱子以凶服從戎故墨染其衰而

加經。衰七雷反。經直結反。

梁弘御戎萊駒為右夏四月辛巳敗秦

師于殽獲百里孟明視西乞術白乙丙以歸遂墨以葬

文公晉於是始墨

杜後遂常以為俗記禮所由變。裝音來

文嬴請三帥

杜文

嬴晉文公始適秦秦穆公所妻夫人襄公嫡母三帥孟明等。嬴音盈帥所類反

曰彼實搆吾

二君寡君若得而食之不厭君何辱討焉使歸就戮于

秦以逞寡君之志若何

林言彼三帥實交搆我秦晉二君致有今日之敗秦君怨此三

人若生得而食其肉猶未厭足於腹何辱晉君執而戮之使三帥歸秦以就刑戮使秦君得快意戮之如何。

厭於艷反又於鹽反

公許之先軫朝問秦囚公曰夫人

請之吾舍之矣先軫怒曰武夫力而拘諸原婦人暫而

免諸國

杜暫猶卒也

墮軍實而長寇讐

林墮毀晉國之軍實而崇長秦

人之寇讐。墮許

亡無日矣不顧而唾

林不顧襄公在前而咳唾於地

此無禮之甚也

公使陽處父追之及諸河則在舟中矣

釋左驂以公命贈孟明

林矯稱襄公命己以馬贈孟明欲使還拜謝因而執之。驂七

南反孟明稽首

林孟明知其詐乃造於舟中稽首拜命

曰君之惠不以累臣

釁鼓

杜聚囚繫也殺人以血塗鼓謂之釁鼓。繫律追反釁許覲反

使歸就戮于秦寡

君之以為戮死且不朽

林若秦君治亡師之罪加之以此身雖死此心感恩終不朽

若從君惠而免之三年將拜君賜

杜意欲報伐晉

秦伯素服

郊次

杜待之於郊

鄉師而哭曰孤違蹇叔以辱二三子孤之

罪也不替孟明孤之過也大夫何罪且吾不以一青掩

大德

林降名稱孤云孤實違蹇蹇叔之忠諫致子三帥困辱於晉此皆我之罪戾不廢孟明之師而使

取敗此皆我之過失孟明何罪之有且三帥皆賢吾終不以一敗之小過而掩其終身之大德。鄉許亮反替

他計反音所景
反掩於檢反

○狄侵齊因晉喪也

林齊晉之與國因晉有文公之喪也

○公伐邾取訾婁以報升陞之役

杜在二十二年邾人不設備

林魯帥退而邾人伏不設戰守之備

秋襄仲復伐邾

杜魯亦因晉以陵小國。復扶又反

狄伐晉

林乘音喪

及箕八月戊子晉侯敗狄于箕卻缺獲白

狄子

杜白狄狄別種也故西河郡有白部胡林白狄之君子爵也。箕音基

先軫曰匹夫

逞志於君

杜謂不顧而唾

而無討敢不自討乎免胄入狄師死

焉

林力戰而死

狄人歸其元

杜元首也

面如生

杜言其有異於人

初臼季

使過冀見冀缺耨其妻饁之

杜臼季晉臣也冀晉邑耨鋤也野饋曰饁林冀缺即

卻缺耨耘苗也。曰具九反使所吏反過敬相待如賓

古禾反耨乃豆反謹于輒反字林于劫反

與之歸 林晉臣知其賢乃與卻缺俱歸晉國

言諸文公曰敬德之聚也能

敬必有德德以治民

林唯以德者可以治民

君請用之臣聞之出

門如賓

杜如見大賓

承事如祭

杜常謹敬也

仁之則也

林主一如此是為仁

之法

公曰其父有罪可乎

杜缺父冀芮欲殺文公在二十四年

對曰舜之

罪也殛鯀其舉也興禹

林鯀湮洪水舜加之罪殛鯀于羽山鯀之子曰禹能治水舜復

舉而管敬仲桓之賊也實相以濟

林管仲射齊桓公中帶鉤故曰賊實相桓

公以濟伯業

康誥曰父不慈子不祗兄不友弟不共不相及

也杜康語周書祗敬也林言康語各正其罪不以父罪而及其子弟罪而及其兄也詩曰采芣

采菲無以下體君取節焉可也

杜詩國風也詩菲之菜上善下惡食之者不以

其惡而棄其善言可取其善節文公以為下軍大夫反自箕襄公以三

命命先且居將中軍

杜且居先軫之子其父死敵故進之林周禮三命受位

以再

命命先茅之縣賞胥臣曰舉卻缺子之功也

杜先茅絕後故取其

縣以賞胥臣林周禮再命受服

以一命命卻缺為卿復與之冀

杜還其父故邑

亦未有軍行

杜雖登卿位未有軍列

○冬公如齊朝且弔有狄師也

林朝於齊昭公且弔齊為狄所侵

反薨於小寢即安也

杜小寢夫人寢也譏公就所安

不終于路寢
○晉陳鄭伐許討其貳於楚也
林討其從楚不肯服晉
楚

令尹子上侵陳蔡
林子上即闕勃
陳蔡成
杜陳蔡與楚為成
遂伐鄭將

納公子瑕
杜三十一年瑕奔楚
門于桔秩之門瑕覆于周氏之汪

林桔秩鄭門名杜車傾覆池水中
外僕髡也禽之以獻
林鄭之外僕髡髮而名也者禽瑕殺

之以其尸
文夫人斂而葬之鄆城之下
杜鄭文公夫人也鄆城故鄆國

在滎陽密縣東北傳言穆公所以遂有國
○晉陽處父侵蔡
杜蔡即楚故
楚子上救

之與晉師夾泝而軍
杜泝水出魯陽縣東經襄城定陵入汝
陽子患之使謂

子上曰吾聞之文不犯順武不違敵
林有文德者不肯犯順意謂相約涉

水而伐其師是犯順也文者必不肯為有武德者不肯
棄敵意謂相約退舍而自棄去是違敵也武者必不肯

為子若欲戰則吾退舍子濟而陳杜欽辟楚使渡遲速

唯命不然紓我杜紓老師費財亦無益也杜師久乃駕

以待林駕馬於車子上欲涉大孫伯曰林即成大心不

可晉人無信半涉而薄我悔敗何及不如紓之乃退舍

杜楚退欲陽子宣言曰楚師遁矣遂歸楚師亦歸太子

商臣譖子上曰受晉賂而辟之楚之恥也罪莫大焉王

殺子上杜商臣怨子上止○葬僖公杜文公元年經書

王立已故譖之

四月葬僖公僖公

實以今年十一月薨并閏七月乃葬故傳云緩自此以下遂因說作主祭祀之事文相次也皆當次在經葬

僖公下今在此簡編倒錯

作主非禮也

杜文二年乃作主遂因葬文通識之

凡君薨葬

哭而祔祔而作主特祀於主

林既葬反虞則免喪故曰卒哭哭止也以新死之神

祔之於祖尸柩已遠孝子思慕故造木主立几筵焉特用喪禮祭祀於寢不同之於宗廟言凡君者謂諸侯以上不通於 烝嘗禘於廟 杜冬祭曰烝秋祭曰嘗新主既

自如舊也三年禮畢又大禘乃皆同於吉

左傳杜林合注卷十四